


春秋左傳杜注增輯

卷十八之卷二十
襄公昭公



庫

春秋左傳杜注卷第十九

華亭姚培謙學

襄公

經二十有九年春王正月公在楚

公在外闕朝正之禮甚多而唯書此一年者魯

公如楚既非常此公又踰年故發此一事以明常

○夏五月公至自楚

○庚午衛侯

衎卒

無傳四同盟

○闞弒吳子餘祭

闞守門者下賤非士故不言盜○祭側界反

○仲

孫羯會晉荀盈齊高止宋華定衛世叔儀鄭公孫

段曹人莒人滕人薛人小邾人城杞

公孫段伯石也三十年伯有死乃命為卿

今蓋以攝卿行

○晉侯使士鞅來聘○杞子來盟

杞復稱子用夷禮也

吳子使札來聘

吳子餘祭既遣札聘上國而後死札以六月到魯未聞喪也不稱公子其禮未同於上國

○秋

九月葬衛獻公

無傳

○齊高止出奔北燕

止高厚之子

○冬

仲孫羯如晉

傳二十九年春王正月公在楚釋不朝正于廟也

釋解也告廟在楚

楚人使公親禴

諸侯有遣使贈禴之禮今楚欲依遣使之比

公患

之穆叔曰祓殯而禴則布幣也

先使巫祓除殯之凶邪而行禴禮與朝而布幣無異○祓

除既了而行禴禮布陳衣物與行朝之時布陳幣帛無異也

乃使巫以桃茢先祓殯

茢音

列○穰如羊反孔疏茢是帚蓋桃為棒也杜云茢黍穰者今世所謂茗帚者或用亂穗或用黍穰是二者皆得為之也

楚人弗禁

既而悔之

禮君臨臣喪乃祓殯故楚悔之

○二月癸卯齊人葬莊公於北郭

兵死不入兆域故葬北郭

○夏四月葬楚康王公及陳侯鄭伯許男送葬至于西門之外諸侯之大夫皆至于墓楚邾敖即位

邾敖康王子熊麋也

王子圍為令尹

圍康王弟

鄭行人子羽曰是謂不

宜必代之昌松柏之下其草不殖

言楚君弱令尹強物不兩盛為昭元年圍弑邾

本

敖起

○公還及方城季武子取卞

取卞邑以自益

使公治問

問公起居公治

季氏屬大夫

璽書追而與之

璽印也

曰聞守卞者將叛臣帥徒

以討之既得之矣敢告

此璽書之詞

公治致使而退

致季氏使命

使去聲 及舍而後聞取卞發書乃聞之公曰欲之而言叛祇見

疏也言季氏欲得卞而欺我言叛益疏我。孔疏多見疏外我也。猶論語云多祇同音。張衡西京賦云炙炮夥清酤多。皇恩溥洪德施施與多為韻。此類眾矣。公問公冶曰吾可以入

乎以季氏疏已故不敢入對曰君實有國誰敢違君公與公冶冕

服以卿服立冕賞之固辭強之而後受公欲無入榮成伯賦

式微乃歸式微詩抑風曰式微式微胡不歸式用也義取寄寓之微陋勸公歸也五月公至自楚

公治致其邑於季氏本從季氏得邑故還之而終不入焉不入季孫家曰

欺其君何必使余季孫見之則言季氏如他日不見則終不言季氏

季孫若就其家見之則言季氏政事如平時否則終不言及疾聚其

見則終不言季氏

臣大夫家臣曰我死必無以冕服斂非德賞也言公畏季氏而賞其使非以我

德有且無使季氏葬我

○葬靈王不書魯不書會鄭上卿有事子展使印段往伯有

曰弱不可印段年少官卑子展曰與其莫往弱不猶愈乎詩

云王事靡盬不遑啓處詩小雅盬不堅固也啓跪也言王事無不堅固故不暇跪處東西

南北誰敢寧處謂上卿堅事晉楚以蕃王室也言我固事晉楚乃所

以蕃屏王室王事無曠何常之有遂使印段如周傳言周衰卑於晉楚

○吳人伐越獲俘焉以為閹使守舟吳子餘祭觀

舟閹以刀弑之言以刀明近刑人

○鄭子展卒。子皮即位。子皮代父為上卿於是鄭饑而未及

麥。民病。子皮以子展之命餼國人粟。戶一鍾。在喪故以父命

也。六斛四斗曰鍾。○餼許氣反。是以得鄭國之民。故罕氏常掌國政。以

為上卿。宋司城子罕聞之。曰：鄰於善。民之望也。民亦望君

為善宋亦饑。請於平公。出公粟以貸。使大夫皆貸。司

城氏貸而不書。施而不德為大夫之無者。貸。宋無飢人。叔

向聞之。曰：鄭之罕。宋之樂。其後亡者也。二者其皆

得國乎。得掌國政民之歸也。施而不德。樂氏加焉。其以宋

升降乎。升降隨宋盛衰。○施去聲。

○晉平公杞出也。故治杞。治理其地。脩其城。六月。知悼子合

諸侯之大夫。以城杞。孟孝伯會之。鄭子大叔與伯

石往。大叔不書。不親事。子大叔見大叔文子。文子衛大叔儀。與之語。文

子曰：甚乎其城杞也。子大叔曰：若之何哉？晉國不

恤周宗之闕。而夏肄是屏。周宗諸姬也。夏肄杞肄餘也。屏城也。其弃諸姬

亦可知也已。諸姬是弃。其誰歸之？吉也。聞之。弃同

即異。是謂離德。詩曰：協比其鄰。昏姻孔云。詩小雅言王者和協

近親則昏姻甚歸附也。○比毗志反。晉不鄰矣。其誰云之。云猶旋旋歸之。

○齊高子容與宋司徒見知伯。女齊相禮。子容高止也。司徒華

定也。知伯荀盈也。女齊司馬侯也。相禮侍威儀也。女音汝。賓出司馬侯言於知伯曰。二

子皆將不免。子容專專自是也。司徒侈皆亡家之主也。知

伯曰。何如。言二子禍福之遲速何如。對曰。專則速及速及禍也。侈將以其

力斃力盡而自斃。專則人實斃之。將及矣。為此秋高止出犇燕昭二十年華定出犇陳傳

○范獻子來聘。拜城杞也。謝魯為杞城。公享之。展莊叔執

幣。公將以射者三耦。二人為耦。孔疏。周禮射人云。諸侯之射以四耦。此三耦者。彼是畿內諸侯。故四耦。此及儀禮

父為一耦。公臣公巫召伯仲顏莊叔為一耦。鄆鼓

父黨叔為一耦。言公室卑微。公臣不能備於三耦。鄆才陵反黨音掌

○晉侯使司馬女叔侯來治杞田。使魯歸前侵杞田。所歸少。故不書。弗

盡歸也。晉悼夫人愠曰。齊也取貨。夫人平公母。杞女也。謂叔侯取貨於魯。故不盡

歸杞。先君若有知也。不尚取之。不尚。叔侯之取貨。一說尚當取叔侯而殺之。公告

叔侯。叔侯曰。虞虢焦滑霍揚韓魏皆姬姓也。八國皆焦在陝縣。揚屬平陽郡。晉所滅

兼國多矣。武公獻公。晉始盛之君。誰得治之。杞夏餘也。而即東夷

行夷。魯周公之後也。而睦於晉。以杞封魯。猶可。而何

有焉。何有。盡歸之。魯之於晉也。職貢不乏。玩好時至。公卿

大夫相繼於朝。史不絕書。書魯朝聘。府無虛月。無月不受魯貢。如是

聖傳

襄公

五

水火傳上卷九

水火傳上卷九

水火傳上卷九

水火傳上卷九

可矣。何必瘠魯以肥杞。且先君而有知也。毋寧夫人而焉用老臣。言先君母寧恠夫人之所為無用責我

○杞文公來盟。魯歸其田。故來盟。書曰：子賤之也。賤其用。夷禮。

○吳公子札來聘。見叔孫穆子。說之。謂穆子曰：子其不得死乎。不得以壽死。好善而不能擇人。吾聞君子務

在擇人。吾子為魯宗卿。而任其大政。不慎舉。何以堪之。禍必及子。為昭四年豎牛作亂起本。請觀於周樂。魯以周公故。有天子禮樂。使工

為之歌。周南召南。此皆各依其本國歌所常用聲曲。○孔疏：詩人樂音。今宮商相和。使成歌曲。樂人采其詩辭。以為樂章。述其詩之本音。以為樂之定聲。其聲既定。其法可傳。雖多歷年世。而其音不改。今此為季札歌者。

各依其本國歌所常用聲曲也。由其各有聲曲。故季札聽而識之。言本國者。變風諸國之音各異也。曰：美哉。美其聲。始基之

矣。周南召南。猶有商紂。未盡善也。然勤而不怨矣。未能安樂。然其音不怨怒。

為之歌。邶鄘衛。武王伐紂。分其地為三監。三監叛。周公滅之。更封康叔。并三監之地。故三國盡被康叔之化。曰：美

哉。淵乎。憂而不困者也。淵深也。亡國之音哀以思。其民困。衛康叔武公德化深遠。雖遭宣公淫亂。懿公

滅亡。民猶秉義。不至於困。吾聞衛康叔武公之德如是。是其衛風乎。

康叔周公弟。武公康叔九世孫。皆衛之令德君也。聽聲以為別。故有疑言。為之歌。王。王。黍離也。幽王遇西戎之禍。平王東遷。王政不行於天下。風俗下與諸侯同。故不為雅。曰：美哉。思而不懼。其周之東乎。宗周隕滅。故憂

思。猶有先王之遺風。故不懼。為之歌。鄭。詩第七。曰：美哉。其細已甚。民弗堪

也是其先亡乎。美其有治政之音。譏其煩碎。知不能久。為政細密。庶事煩碎。故民不能堪。為之歌

襄公

齊詩第八曰美哉泱泱乎大風也哉泱泱大之聲表東海者其

犬公乎大公封齊為東海之表式國未可量也言其或將復興為之歌詩第十

曰美哉蕩乎樂而不淫其周公之東乎蕩乎蕩然

為之歌秦詩第十一後仲尼刪定故不同

周之舊乎秦本在西戎汧隴之西秦仲始有車馬禮樂去戎狄之音而有諸夏之聲故謂之夏聲及襄公佐周平王東遷而受其故地故曰周之舊

為之歌魏詩第九魏姬姓國閔元年晉獻公滅之曰美哉泱泱乎

大而婉險而易行以德輔此○本之以險而以德輔之則明主也泱泱中庸

為之歌唐詩第十唐晉詩曰思

深哉其有陶唐氏之遺民乎不然何憂之遠也晉本唐國

故有堯之遺風憂深思遠情發於聲○思去聲非令德之後誰能若是為之歌陳

詩第十二曰國無主其能久乎淫聲放蕩無所畏忌故曰國無主自鄆以下無

譏焉鄆第十三曹第十四言季子聞此二國歌不復譏論之以其微也○鄆古外反○今河南開封府密縣東北五十里有鄆城為之

歌小雅小雅小正亦樂歌之常○孔疏詩序云言天下之事形四方之風謂之雅雅者正也政有小大故有小雅焉有大雅焉然則小

雅大雅皆天子之詩也王者政教有大有小詩人歌其大事制為大體述其

小事制為小體體有大小故分為二焉詩體既異樂音亦殊後之作者各從

其舊取小雅之音歌其政事之變者謂之變小雅取大雅之音歌其政事之

變者謂之變大雅故變雅之美刺皆由音制有大小不復由政事之大小也

曰美哉思而不貳思文武之德無貳叛之心怨而不言有哀音其周德之

衰乎衰小也○孔疏衰者差也九章算術為差分為衰分言從大漸差而小服虔讀為衰微之衰謂幽厲之時也按依孔衰宜音初危反

襄公

省南

襄公

襄公

猶有先王之遺民焉

謂有殷王之餘俗故未大衰。孔疏杜以此言皆歎正小雅也。言其時之民思文武之德。

不有二心。雖怨時政而能忍而不言。其是周德衰小之時乎。猶有殷先王之遺民。故使周德未得大也。服虔以為此歎變小雅。為之歌

大雅大雅陳文王之德以正天下

曰廣哉熙熙乎

熙熙和樂聲

曲而有直體

論其聲。其聲委曲而有正直之體。

其文王之德乎

雅頌所以詠盛德形容故但歌其美者不皆歌變雅。

為之

歌頌頌者以其成功告於神明

曰至矣哉

言道

直而不倨

倨傲。倨音據。

曲而不

屈屈撓

邇而不偏

謙退

遠而不攜

攜貳

遷而不淫

淫過蕩

復而

不厭常日新

哀而不愁

知命

樂而不荒

節之以禮

用而不匱

廣

而不宣不自顯

施而不費

因民所利而利之。施去聲。

取而不貪

義然後取

處而

不底

守之以道。底音抵。

行而不流

制之以義。孔疏自直而不倨。至行而不流之十四事皆音有此意。明王者之

德也。人性直者失於倨傲。王者體性質直。雖富有四海而不倨傲慢。易在下。物有曲者失於屈撓。王者曲降情意以尊接下。恒守尊嚴。不有屈撓相去近者。失於相偏。王者雖為在下與之親近。能執謙退不陵偏在下。相去遠者。失於乖離。王者雖為在下與之疎遠。而能有攜離猜疑在下。數遷徙者。失於淫泆。王者雖有遷動流去。能以德自守。不至放蕩去而復反。則為人所厭。王者政教日新。雖反覆而行。不為下之厭薄。哀者近於憂愁。王者雖遇凶災。知運命如此。不有憂愁。樂者失於荒廢。此樂而能不荒廢也。用之不已。物將匱乏。此用而不可匱也。志寬大者。多自宣揚。此雖廣而不自宣揚也。好施與者。皆費財物。此能施而不費損也。取人之物。失於貪多。此雖取而不為貪多也。處而不動。則失於留滯。王者相時而動。時未可行。雖復止。處意不底滯。行而不已。則失於流放。王者量時可行。施布政教。能制之以義。不妄流移也。

節有度守有序

八音克諧。節有度也。無相奪倫。守有序也。八音之作。有節其節。皆有常度。音之所守。有分。其守各有次序。

序盛德之所同也

頌有殷魯故曰

見舞象箏南箏者

象箏。南箏。象箏。南箏。各是一舞。

執南箏。以箏舞也。皆文王之樂。○箏音朔。○孔疏。象箏與南箏。各是一舞。南箏。既是文舞。則象箏。當是武舞也。詩云。維清奏象舞。則此象箏之舞。故

鄭注詩云象用兵時刺伐之舞是武舞可知其名之曰南其義未聞也顧曰氏炎武曰南籥者二南之籥鼓鐘之詩所謂以雅以南以籥不僭者也

美哉猶有憾美哉美其容也文王恨不及已致太平見舞大武者武王樂曰美哉

周之盛也其若此乎見舞韶濩者殷湯樂濩音護曰聖人

之弘也而猶有慙德聖人之難也慙於始伐見舞大夏者

樂禹之曰美哉勤而不德非禹其誰能脩之盡力溝洫勤也

勤而不德也見舞韶箛者舜樂○箛音簫○孔疏箛即簫也尚書曰箛韶九成此云韶箛即彼簫韶是也孔安國云言箛見

細器之備也蓋韶樂兼箛為名箛字或上或下耳曰德至矣哉大矣如天之無不

疇也疇覆也○疇徒報反如地之無不載也雖甚盛德其蔑以

加於此矣觀止矣若有他樂吾不敢請已魯用四代之樂故及

韶箛而季子知其終也季札賢明才博在吳雖已涉見此樂歌之文然未聞中國雅聲故請作周樂欲聽其聲然後依聲以參時政知其興衰也聞秦詩謂之夏聲聞頌曰五聲和八風平皆論聲以參政也舞畢知其樂終是素知其篇數其出聘也通嗣君也吳子

餘祭嗣立故遂聘于齊說晏平仲謂之曰子速納邑與政

納歸之公無邑無政乃免於難齊國之政將有所歸未獲

所歸難未歇也歇盡也故晏子因陳桓子以納政與邑

是以免於樂高之難難在昭八年聘於鄭見子產如舊相

識與之縞帶子產獻紵衣焉大帶也吳地貴縞鄭地貴紵故各獻已所貴示損已而不為彼

貨利○縞古老反謂子產曰鄭之執政侈難將至矣政

必及子子為政慎之以禮不然鄭國將敗後謂伯有適衛

說遽瑗遽伯史狗史朝之子史鮪史魚之子公子荆公叔發公叔文子

公子朝曰衛多君子未有患也自衛如晉將宿於

戚戚孫文子之邑聞鐘聲焉曰異哉吾聞之也辯而不德必

加於戮辯猶爭也夫子獲罪於君以在此孫文子以戚叛懼猶

不足而又何樂夫子之在此也猶燕之巢于幕上

言至危君又在殯而可以樂乎獻公卒未葬遂去之不止宿文

子聞之終身不聽琴瑟聞義能改適晉說趙文子韓宣子

魏獻子曰晉國其萃於三族乎言晉國之政將集於三家說叔向將

行謂叔向曰吾子勉之君侈而多良謂多以惡人為良而善之大

夫皆富政將在家富必厚施故政在家吾子好直必思自免於

難

○秋九月齊公孫薑公孫窶放其大夫高止於北

燕薑子尾窶子雅放者宥之以遠乙未出書曰出奔罪高止也實放書奔

所以示罪許氏翰曰君放大夫可也臣放大夫是無君也不可以訓故以出奔書也高止好以事自為功

且專故難及之

○冬孟孝伯如晉報范叔也范叔士鞅也此年夏來聘

○為高氏之難故高豎以盧叛豎高止子十月庚寅閭邱

嬰帥師圍盧高豎曰苟使高氏有後請致邑還邑於君齊

人立敬仲之曾孫鄒敬仲高侯。鄒於顯反。即後所云高偃是也。良敬仲也良猶賢也。

十一月乙卯高豎致盧而出奔晉晉人城綿而寘

旃晉人善其致邑

○鄭伯有使公孫黑如楚黑子辭曰楚鄭方惡而使

余往是殺余也伯有曰世行也言女世為行人子皙曰可則

往難則已何世之有伯有將強使之子皙怒將伐

伯有氏大夫和之十二月己巳鄭大夫盟於伯有

氏禪諶曰是盟也其與幾何言不能久也禪諶鄭大夫。難去聲。詩曰君

子屢盟亂是用長今是長亂之道也禍未歇也必

三年而後能紓紓解也。長上聲。然明曰政將焉往禪諶曰

善之代不善天命也其焉辟子產言政必歸子產舉不踰等

則位班也子產位班。次應知政。擇善而舉則世隆也世所高也天又除

之奪伯有魄喪其精神為子產驅除子西即世將焉辟之天禍鄭

久矣其必使子產息之乃猶可以戾戾定也不然將亡

矣

經三十年春王正月楚子使遠罷來聘音罷○夏四

月蔡世子般弑其君固音班○五月甲午宋災天火宋

伯姬卒○天王殺其弟佞夫稱弟以惡王殘骨肉。蘇氏轍曰佞夫無罪五臣以王故殺之。

而王弗察猶王殺之也王子瑕犇晉不言出奔○秋七月叔弓如宋葬

宋共姬共姬從夫謚也叔弓叔老之子○鄭良霄出奔許許者

荒淫書名罪之自許入于鄭不言復入鄭人殺良霄○冬十月

葬蔡景公無傳○晉人齊人宋人衛人鄭人曹人莒

人邾人滕人薛人杞人小邾人會于澶淵宋災故

會未有言其事者此言宋災故以惡宋人不克已自責而出會求財澶市然反

傳三十年春王正月楚子使遠罷來聘通嗣君也

鄭敖即位穆叔問王子之為政何如王子圍為令尹對曰吾儕小人

食而聽事猶懼不給命而不免於戾焉與知政固

問焉不告穆叔告大夫曰楚令尹將有大事子蕩

將與焉子蕩遠罷與音預下同助之匿其情矣子圍素貴鄭敖微弱諸侯皆知其將為亂故穆叔問之

○子產相鄭伯以如晉叔向問鄭國之政焉對曰

吾得見與否在此歲也駟良方爭未知所成駟氏子替也良

氏伯有也若有所成吾得見乃可知也叔向曰不既和矣

乎對曰伯有侈而懷懷狼也子皙好在人上莫能相下

也雖其和也猶相積惡也惡至無日矣為此年秋良霄出奔傳

○二月癸未晉悼夫人食輿人之城杞者輿眾也城杞在往年

音似絳縣人或年長矣無子以其無子故自受役而往與於食有

與疑年使之年使言其年曰臣小人也不知紀年臣生之

歲正月甲子朔四百有四十五甲子矣其季於今

三之一也所稱正月謂夏正月也三分六甲之一得甲子甲戌盡癸未吏走問諸朝皆不知故問之

師曠曰魯叔仲惠伯會郤成子于承匡之歲也在文

年是歲也狄伐魯叔孫莊叔於是乎敗狄于鹹獲

長狄僑如及虺也豹也而皆以名其子七十三年

矣叔孫僑如叔孫豹皆取長狄名○虺虛鬼反史趙曰亥有二首六身史趙晉大史亥字二畫在上

上併三人為身如算之六○言亥字上二畫為首六畫為身如算之六者三也下二如身是其日數也下亥

畫豎置身旁○如往也言除下亥上二畫往置身旁便是此老人從初生年起至今癸未日之日數也蓋以亥之二畫為二萬之數以三六之算為六千

六百六旬之數也士文伯曰然則二萬六千六百有六旬也

文伯士弱之子○此說上文亥字之日數也蓋甲子一周有六十日總四百四十五箇甲子合有二萬六千七百日以其季之甲子方得三分之一故少

四十日也趙孟問其縣大夫則其屬也屬趙武○絳非趙武私邑而云屬者蓋諸是公邑國卿分

掌之而此邑屬趙武也召之而謝過焉曰武不才任君之大事以

晉國之多虞不能由吾子由用也使吾子辱在泥塗久

矣武之罪也敢謝不才遂仕之使助為政辭以老

與之田使為君復陶復陶主衣服之官以為絳縣師縣師掌地城辨其夫

家人民○既使為主衣服之官又以為絳邑之縣師也周禮縣師上士二人而廢其輿尉以役孤老故○輿尉軍尉主發

於是魯使者在晉歸以語諸大夫季武子曰晉

未可媮也。媮薄也。有趙孟以為大夫，有伯瑕以為佐。伯瑕士文

伯有、史趙、師曠而咨度焉。有叔向、女齊以師保其

君，其朝多君子，其庸可媮乎？勉事之而後可。傳言晉所以強

不失諸侯且明歷也

○夏四月己亥，鄭伯及其大夫盟。馬良君子是以知

鄭難之不已也。鄭伯微弱不能制其臣下君臣詛盟故曰亂未已

○蔡景侯為太子般娶于楚，通焉。太子弑，景侯終

產言有子禍也

○初，王儋季卒。儋季周靈王弟儋丁甘反其子括將見王而歎，括除

服見靈王入朝而歎單公子愆期為靈王御士，過諸廷。愆期行過王廷○單音善

聞其歎而言曰：烏乎！必有此夫。欲有此朝廷之權入以告王。

且曰：必殺之，不感而願大視，躁而足高，心在他矣。

不殺必害。王曰：童子何知？及靈王崩，儋括欲立王

子佞夫。佞夫靈王子景王弟佞夫弗知，戊子，儋括圍蒍，逐成愆

成愆。蒍大夫成愆奔平時。平時周邑五月癸巳，尹言多，劉毅

單蔑甘過鞏，成殺佞夫。五子周大夫括瑕、廖奔晉。括廖不書賤也○廖

力彫反書曰：天王殺其弟佞夫，罪在王也。佞夫不知故經書在宋災下從赴

○或叫于宋大廟，叫呼也曰：譖譖出出。譖譖熱也出出戒伯姬○譖許其反烏

鳴于亳社殷社如曰譖譖皆火妖也甲午宋大災宋伯姬卒

待姆也姆女師鄭氏昏禮注云姆婦人年五十無子出而不復嫁能以婦道教人者若今時乳母矣君子謂宋

共姬女而不婦女待人待人行婦義事也義從宜也伯姬時年六十左右穀梁傳

取卒之日加之災上者見以災卒也伯姬之舍失火左右曰夫人少辟火乎伯姬曰婦人之義傅母不在宵不下堂左右又曰夫人少辟火乎伯姬曰婦人之義保母不在宵不下堂遂逮乎火而死婦人以貞為行者也伯姬之婦道盡矣詳其事賢伯姬也

○六月鄭子產如陳涖盟歸復命告大夫曰陳亡

國也不可與也不可與結好聚禾粟繕城郭恃此二者而

不撫其民其君弱植公子侈大子卑大夫敖政多

門政不由一人植直吏反敖亦作傲以介於大國介間也能無亡乎不過十

年矣為昭八年楚滅陳傳

○秋七月叔弓如宋葬共姬也傷伯姬之遇災故使卿共葬

○鄭伯有者酒為窟室窟室地室而夜飲酒擊鐘焉朝至

未已朝者曰公焉在家臣故謂伯有為公其人曰吾公在壑谷

壑谷皆自朝布路而罷布路分散既而朝伯有朝鄭君則又將使子

皙如楚歸而飲酒庚子子皙以駟氏之甲伐而焚

之伯有奔雍梁雍梁鄭地醒而後知之遂奔許大夫

聚謀子皮曰仲虺之志仲虺湯左相云亂者取之亡者侮

之推亡固存國之利也罕駟豐同生罕子皮駟子皙豐公孫段也三家本同母

襄公咸懷

咸懷

咸懷

咸懷

咸懷

咸懷

兄伯有汰侈故不免三家同出而伯有孤特又汰侈所以亡人謂子產就直

助彊時謂子皙直三家彊○言當就子子產曰豈為我徒徒黨也言

不以駟良為黨國之禍難誰知所做或主彊直難乃不生言能彊能

直則可弭難今三家未能則伯有方爭○言我皆無所黨國家之有禍亂誰能預知其所終彼三家者勢果強而理果直則禍難何從而生也三家不能

強直所以伯有方爭姑成吾所欲以無所附著為所辛丑子產斂伯有氏之

死者而殯之不及謀而遂行不與於國謀○葬伯有之黨必得罪於三家故不謀而出奔也

印段從之義子產子皮止之眾曰人不我順○言子產不順我三家何

止焉子皮曰夫子禮於死者况生者乎遂自止之

壬寅子產入癸卯子石入子石印段皆受盟于子皙氏乙

巳鄭伯及其大夫盟于大宮大宮祖廟盟國人于師之梁

之外師之梁鄭城門伯有聞鄭人之盟巳也怒聞子皮之甲

不與攻巳也喜曰子皮與我矣癸丑晨自墓門之

瀆入墓門鄭城門○瀆音豆○不與音預因馬師頡介于襄庫以伐舊北

門馬師頡子羽孫○頡即羽頡為馬師之官駟帶率國人以伐之駟帶子西之子子皙之宗主皆

召子產駟氏伯有俱名子產曰兄弟而及此吾從天所與兄弟恩等

伯有死於羊肆羊肆市列子產禭之枕之股而哭之

斂而殯諸伯有之臣在市側者既而葬諸斗城斗城鄭地

名○今河南開封府陳留縣南三十五里有斗城子駟氏欲攻子產子皮怒之曰禮

國之幹也。殺有禮。禍莫大焉。乃止。斂葬伯有為有禮。於是游

吉如晉。還聞難不入。懼禍并及。復命于介。八月甲子。奔晉。

駟帶追之。及酸棗。與子上盟。用兩珪質于河。子上。駟帶也。沈

珪於河為信也。酸棗。陳留縣。今開封府延津縣。是縣北十五里有古酸棗城。使公孫肸入盟。大夫已

已。復歸。游吉歸也。書曰。鄭人殺良霄。不稱大夫。言自外入

也。既出位絕非。復鄭大夫。於子蟜之卒也。子蟜。公孫萬卒在十九年。蟜音矯。將葬。公孫

揮與裨竈晨會事焉。會葬事。過伯有氏。其門上生莠。子

羽曰。其莠猶在乎。子羽。公孫揮以莠喻伯有。伯有侈。知其不能久存。於是歲在降婁。

降婁中而旦。降婁。奎婁也。周七月。今五月。降婁中而天明。降戶江反。裨竈指之曰。猶可

以終歲。指降婁也。歲星十二年而一終。歲不及此次也已。不及降婁。及其亡也。

歲在娵訾之口。娵訾。營室東壁。二十八年。歲星淫在立枵。今三十年。在娵訾。是歲星停在立枵二年。娵。子須反。訾音茲。

○孔疏釋天云。娵訾之口。營室東壁也。李巡曰。娵訾。立武宿也。營室東壁北方宿名。孫炎曰。娵訾之歎。則口開方。營室東壁四方似口。故因名云。十二

次子為立枵。亥為娵訾。其明年。乃及降婁。僕展從伯有。與之皆死。

僕展。鄭大夫。羽頡出奔晉。為任大夫。羽頡。馬師頡。任晉縣。今屬廣平郡。任音壬。今任縣屬直隸順德府。縣東南有古任城。

雞澤之會。在二年。鄭樂成奔楚。遂適晉。羽頡

因之。與之比。而事趙文子。言伐鄭之說焉。以宋之

盟故不可。宋盟約弭兵故。比。毗志反。子皮以公孫鉏為馬師。鉏。子罕之子。代

頡羽。頡。羽之子。代

○楚公子圍殺大司馬蔣掩蔣掩二十五而取其室年為大司馬申

無字曰王子必不免無字善人國之主也王子相楚

國將善是封殖而虐之是禍國也且司馬令尹之

偏偏佐也而王之四體也俱股肱也絕民之主去身之偏艾王

之體以禍其國無不祥大焉何以得免為昭十三年楚弑靈王傳○艾

魚廢反

○為宋災故諸侯之大夫會以謀歸宋財冬十月

叔孫豹會晉趙武齊公孫蠆宋向戌衛北宮佗佗北宮括

之子○鄭罕虎虎子及小邾之大夫會于澶淵既而無

歸於宋故不書其人君子曰信其不可不慎乎澶

淵之會卿不書不信也夫諸侯之上卿會而不信

寵名皆棄不信之不可也如是寵謂族也詩曰文王陟降

在帝左右信之謂也詩大雅言文王所以能上接天下接人動順帝者唯以信又曰淑慎

爾止無載爾偽不信之謂也逸詩也言當善慎舉止無載行詐偽書曰某

人某人會于澶淵宋災故尤之也傳云既而無歸所以釋諸侯大夫之不書也又

云宋災故尤之所以釋向戌之并貶也成為正卿深致火災燒殺其夫人未聞克己之意而以求財合諸侯故與不歸財者同文不書魯

大夫諱之也向戌既以災求財諸大夫許而不歸客主皆貶君子以尊尊之義也君親有隱故略不書魯大夫以示例○胡

傳智者無不知當務之為急不能三年之喪而總小功之察放飯流歡而問無齒決是之謂不知務蔡世子般弑其君天下之大變人理所不容也則會

其葬而不討宋國有災小事也則合十二國之大夫更宋之所喪而歸其財則可謂知務乎是故諸國之大夫賤而稱人魯卿諱而不書又特言會之所為以垂戒後世可謂深切著明矣張氏洽曰盟會之書其故者有二以稷考之則澶淵之所賤非為宋財之無歸明矣

○鄭子皮授子產政伯有死子皮知政以子產賢故讓之辭曰國小而偏

偏大國族大寵多不可為也治也子皮曰虎帥以聽誰敢

犯子子善相之國無小言在治政小能事大國乃寬為大所恤故也

子產為政有事伯石賂與之邑伯石公孫段有事欲使之子大叔曰

國皆其國也奚獨賂焉言鄭大夫共憂鄭國事何為獨賂之子產曰無欲

實難言人不能無欲皆得其欲以從其事而要其成非我有

成其在人乎言成猶在我非在他也○要平聲何愛於邑邑將焉往言猶在國

子大叔曰若四國何恐為四鄰所笑子產曰非相違也而相

從也言賂以邑欲為和順四國何尤焉鄭書有之鄭國史書曰安定國

家必大焉先先和大族而後國家安姑先安大以待其所歸要其成也既

伯石懼而歸邑卒與之卒終也伯有既死使大史命伯

石為卿辭大史退則請命焉請大史更命已復命之又辭如

是三乃受策入拜子產是以惡其為人也惡其虛飾使次

己位畏其作亂故寵之子產使都鄙有章國都及邊鄙車服尊卑各有分部○分扶運反上

下有服公卿大夫服不相踰田有封洫封疆也洫溝也廬井有伍廬舍也九夫為井使

大人之忠儉者謂卿大夫從而與之泰侈者因而斃之

五家相保 襄公 省南

因其有罪而斃路之豐卷將祭請田焉弗許也曰唯君用鮮鮮野獸

衆給而已衆臣祭以芻豢為足子張怒子張豐卷退而徵役召兵欲攻子產子產

奔晉子皮止之而逐豐卷豐卷奔晉子產請其田

里請於公不沒入三年而復之反其田里及其入焉田里所收入從

政一年輿人誦之曰取我衣冠而褚之褚畜也奢侈者畏法故畜藏

及三年又誦之曰我有子弟子產誨之我有田疇

子產殖之殖生也子產而死誰其嗣之嗣續也傳言鄭所以興

經三十有一年春王正月○夏六月辛巳公薨于

楚宮公不居先君之路寢而安所樂失其所也○秋九月癸巳子野卒不書葬未成君○

己亥仲孫羯卒○冬十月滕子來會葬諸侯會葬非禮癸酉

葬我君襄公○十有一月莒人弑其君密州不稱弑者主名

君無道也君無道也

傳三十一年春王正月穆叔至自會澶淵會還見孟孝伯

語之曰趙孟將死矣其語偷不似民主偷苟且且年未

盈五十而諄諄焉如八九十者弗能久矣成二年戰於鞞趙朔已死

於趙文子始生至襄三十年會澶淵蓋年四十七八故言未盈五十若趙孟死為政者其韓子

乎韓起吾子盍與季孫言之可以樹善君子也言韓起有君子

之德。今方知政可素往。立善。蚤立交道之善。晉君將失政矣。若不樹焉。使早備

魯使韓子早為魯備既而政在大夫。韓子懦弱。大夫多貪求。

欲無厭。齊楚未足與也。魯其懼哉。○懦乃亂反厭平聲孝伯曰。

人生幾何。誰能無偷。朝不及夕。將安用樹。穆叔出

而告人曰。孟孫將死矣。吾語諸趙孟之偷也。而又

甚焉。言朝不及夕偷之甚也又與季孫語晉故。如與孟孫言季孫不從。及

趙文子卒。在昭元年晉公室卑。政在侈家。韓宣子為政。不

能圖諸侯。魯不堪晉求。讒慝弘多。是以有平邱之

會。平邱會在昭十三年。晉人執季孫意如

○齊子尾害閭邱嬰欲殺之。○公孫薑以嬰害已欲以計殺之使帥師

以伐陽州。陽州魯地我問師故。魯以師往問齊何故伐我夏五月。子尾殺閭

邱嬰。以說于我師。言伐魯者嬰所為也。伐陽州不書。不成伐工倭灑。消竈。孔虺

賈寅出奔莒。四子。嬰之黨。○僂。力侯反。消。生領反出羣公子。為昭十年。樂高之難。復羣公子起本

○公作楚宮。適楚好其宮。歸而作之穆叔曰。大誓云。民之所欲。天

必從之。今尚書大誓亦無此文。故諸儒疑之。○漢初尚書唯得二十八篇。在後又得偽大誓一篇。馬融云。大誓後得。案其文。似若淺露

又春秋引大誓曰。民之所欲。天必從之。今大誓無此言。書傳所引大誓。而不

在大誓者。其眾。王肅亦云。大誓。近非本經。是諸儒疑之也。及晉元帝時。豫章

內史梅賾。始獻孔安國所注古文尚書。內有泰誓三篇。記傳所引大誓。其文悉皆有之。君欲楚也。夫故作其宮。若不復適楚。必死是宮也。六月辛巳。公薨于楚。

宮。叔仲帶竊其拱壁。拱壁，公大壁。以與御人納諸其懷。而

從取之。由是得罪。得罪，謂魯人薄之故。子孫不得志於魯。立胡女敬歸之子

子野。胡歸，姓之國。敬歸，襄公妾。次于季氏。秋九月癸巳卒。毀也。過哀毀瘠，以致

性滅

○己亥，孟孝伯卒。終穆叔言

○立敬歸之娣，齊歸之子公子禚。齊謚禚，昭公名。禚，直由反。穆叔

不欲，曰：「犬子死，有母弟則立之，無則立長。」立庶子，則以年。

鈞擇賢，義鈞則卜。古之道也。先人事，後卜筮也。義鈞，謂賢等。非適嗣，何

必娣之子。言子野非適嗣。且是人也，居喪而不哀，在感而有

嘉容，是謂不度。不度之人，鮮不為患。若果立之，必

為季氏憂。武子不聽，卒立之。比及葬，三易衰。衰衽

如故衰。言其嬉戲無度。比，必利反。衰，七雷反。衽，而甚反。為兩燕尾綴於身傍，所以掩裳際也。於是昭公十

九年矣，猶有童心。君子是以知其不能終也。為昭二十五年

公孫於齊傳

○冬十月，滕成公來會葬，惰而多涕。惰，不敬也。子服惠伯

曰：「滕君將死矣，怠於其位，而哀已甚，兆於死所矣。」

有死兆能無從乎？為昭三年，滕子卒傳。癸酉，葬襄公。

○公薨之月，子產相鄭伯，以如晉。晉侯以我喪故，

未之見也。子產使盡壞其館之垣，而納車馬焉。士文伯讓之曰：「敝邑以政刑之不修，寇盜充斥，見言其

多無若諸侯之屬，辱在寡君者何？是以令吏人完

客所館，館舍也。高其閭闔，閭門也。○閭，戶旦反。里門曰閭。閭也。閭獲耕反。衡門謂之閭。厚其墻垣，以

無憂客使，無令客使憂寇盜。○使，去聲。今吾子壞之，雖從者能戒其

若異客何？以敝邑之為盟主，繕完葺牆，葺，覆也。○從，去聲。下賓從同。

以待賓客，若皆毀之，其何以共命？寡君使匄請命，

請問毀垣之命。對曰：「以敝邑褊小，介於大國，介，間也。誅求無時，誅，責也。是以不敢寧居，悉索敝賦，以來會時事，隨時來朝會。逢

執事之不閒，而未得見，又不獲聞命，未知見時，不敢輸幣，亦不敢暴露，其輸之則君之府實也，非薦陳之，不敢輸也。薦，陳猶獻見也。○閒，音閑。暴，步卜反。其暴露之，則恐燥濕之不時，而朽蠹以重敝邑之罪。僑聞文公之為盟主也，僑，子產名。文，公晉重耳。○燥，素早反。宮室卑庳，無觀臺榭，以崇大諸侯之館。館如公寢，庫廡繕脩，司空以時平易道路，易，治也。○庫，音婢。觀，去聲。巧人以時填館宮室，巧，人塗者。填，塗也。○填，音烏。莫，歷反。諸侯賓至，旬設庭燎，庭燎，設火於庭。○燎，力妙反。僕人巡宮，巡，官行夜。○行，去聲。下巡行同。車馬有所處，賓從有代，代，客役。巾車脂轄，巾，車主車之官。隸人牧圉，各

咸懷

瞻其事

瞻視客所當得

百官之屬各展其物

展陳也謂羣官各陳其物以待賓

公

不留賓而亦無廢事

賓得速去則事不廢

憂樂同之事則巡之

巡行也。賓之憂樂晉則同其好惡事之得失晉則巡其當否

教其不知而恤其不足賓至

如歸無寧菑患

言見遇如此寧當復有菑患邪無寧寧也

不畏寇盜而亦不患

燥濕今銅鞮之宮數里

銅鞮晉離宮鞮丁兮反

而諸侯舍於隸人

舍如隸人舍

門不容車而不可踰越

門庭之內迫迫又有墻垣之限。迤側百反

盜賊

公行而天癘不戒

癘猶災也言水潦無時

賓見無時命不可知若

又勿壞是無所藏幣以重罪也敢請執事將何所

命之

問晉命已所止之宜

雖君之有魯喪亦敝邑之憂也

言鄭與魯亦有

同姓之憂

若獲薦幣

薦進也

脩垣而行

行去也

君之惠也敢憚勤勞

文伯復命

反命於晉君

趙文子曰信

信如子產言

我實不德而以

隸人之垣以羸諸侯

羸受也

是吾罪也使士文伯謝不

敏焉晉侯見鄭伯有加禮

禮加敬

厚其宴好而歸之乃

築諸侯之館叔向曰辭之不可以已也如是夫子

產有辭諸侯賴之若之何其釋辭也詩曰辭之輯

矣民之協矣辭之繹矣民之莫矣

詩大雅言辭輯睦則民協同辭說繹則民安定

莫猶定也其知之矣

謂詩人知辭之有益

鄭子皮使印段如楚以適晉

告禮也

得事大國之禮

○莒犁比公生去疾及展與犁比莒子密州之號。比音毗。既立展與

立以為世子又廢之犁比公虐國人患之十一月展與因

國人以攻莒子弒之乃立展與立為君。按以當為之傳寫誤也。說本趙氏匡。去疾奔

齊齊出也母齊女也。展與吳出也為明年奔吳傳。書曰莒人弒其君

買朱鉏買朱鉏密州之字。言罪之在也罪在鉏也。傳始例申明君臣書。弒今者父子故復重明例。家

氏鉏翁曰置其子之大惡歸過於其父春秋必不然。蓋犁比公虐國人作亂而弒之。展與既廢於父而見立於國人使展與能討賊於既立之後庶乎可免矣。

○吳子使屈狐庸聘于晉狐庸巫臣之子也。成七年適吳為行人。通路也通吳晉之路。趙文子問焉曰延州來季子其果立乎延州來季札邑。延延陵。

州來邑名並食二邑故連言之。巢隕諸樊在二十五年。闞戕戴吳在二十九年。戴吳餘祭。天似

啓之何如對曰不立是二王之命也非啓季子也

若天所啓其在今嗣君乎嗣君謂夷末。甚德而度德不失

民民歸德。度不失事審事情。民親而事有序其天所啓也

有國者必此君之子孫實終之季子守節者也雖

有國不立言其三兄雖欲傳國與之終不肯立。

○十二月北宮文子相衛襄公以如楚文子北宮佗。襄公獻公子。宋

之盟故也晉楚之從。交相見也。過鄭印段廷勞于棊林如聘禮

而以勞辭用聘禮而用郊勞之辭。文子入聘報印段。子羽為行人馮簡

襄公。省南。

襄公。省南。

襄公。省南。

襄公。省南。

襄公。省南。

襄公。省南。

襄公。省南。

襄公。省南。

子與子大叔逆客逆文事畢而出言於衛侯曰鄭有

禮其數世之福也其無大國之討乎詩云誰能執

熱逝不以濯詩大雅濯以水濯手禮之於政如熱之有濯也濯

以救熱何患之有此以上文子辭子產之從政也擇能而使

之馮簡子能斷大事子大叔美秀而文其貌美其才秀公孫

揮能知四國之為知諸侯所欲為而辨於其大夫之族姓班

位貴賤能否而又善為辭令裨諶能謀謀於野則

獲得所謀也謀於邑則否此才性之蔽鄭國將有諸侯之事子產

乃問四國之為於子羽且使多為辭令與裨諶乘

以適野使謀可否而告馮簡子使斷之事成乃授

子大叔使行之以應對賓客是以鮮有敗事北宮

文子所謂有禮也傳跡子產行事以明此言文子之言○乘去聲

○鄭人游于鄉校鄉之學校以論執政論其得失然明謂子產曰

毀鄉校如何患人於中謗議國政子產曰何為夫人朝夕退而

游焉以議執政之善否其所善者吾則行之其所

惡者吾則改之是吾師也若之何毀之我聞忠善

以損怨為忠善則怨謗息○朝直遙反○早見曰朝暮見曰夕忠善盡忠為善也不聞作威以防

怨欲毀鄉校即作威豈不遽止然猶防川遽畏懼也○遽其據反大決所犯

傷人必多。吾不克救也。不如小決使道。道通也。道音導。不

如吾聞而藥之也。以為已。藥石。然明曰：蔑也。今而後知吾

子之信可事也。小人實不才。若果行此，其鄭國實

賴之。豈唯二三臣。仲尼聞是語也，曰：以是觀之，人

謂子產不仁，吾不信也。仲尼以二十二年生於。是十歲長而後聞之。

○子皮欲使尹何為邑。為邑大夫。子產曰：少未知可否。尹何年少。

子皮曰：愿吾愛之，不吾叛也。愿謹善也。使夫往而學焉。夫

亦愈知治矣。夫謂尹何。子產曰：不可。人之愛人，求利之也。

今吾子愛人，則以政。以政與之。猶未能操刀而使割也。其

傷實多。多自傷。子之愛人，傷之而已。其誰敢求愛於子。

子於鄭國棟也。棟折榱崩，僑將厭焉。敢不盡言。子

有美錦，不使人學製焉。製裁也。厭於甲反下同。大官大邑，身之所

庇也。而使學者製焉，其為美錦，不亦多乎。言官邑之重多於美錦。

僑聞學而後入政，未聞以政學者也。若果行此，必

有所害。譬如田獵射御，貫則能獲禽。貫習也。貫古患反。若未

嘗登車射御，則敗績厭覆是懼。何暇思獲。服反。子

皮曰：善哉。虎不敏，吾聞君子務知大者遠者，小人

務知小者近者。我小人也。衣服附在吾身，我知而

慎之大官大邑所以庇身也我遠而慢之慢易也微子

之言吾不知也他日我曰子為鄭國我為吾家以

庇焉其可也今而後知不足自知謀慮不足謀其家自今請雖吾

家聽子而行子產曰人心之不同如其面焉吾豈

敢謂子面如吾面乎抑心所謂危亦以告也子皮

以為忠故委政焉子產是以能為鄭國傳言子產之治乃子皮之力

○衛侯在楚北宮文子見令尹圍之威儀言於衛

侯曰令尹似君矣將有他志言語瞻視行步不常雖獲其志不

能終也詩云靡不有初鮮克有終終之實難令尹

其將不免公曰子何以知之對曰詩云敬慎威儀

惟民之則令尹無威儀民無則焉民所不則以在

民上不可以終公曰善哉何謂威儀對曰有威而

可畏謂之威有儀而可象謂之儀君有君之威儀

其臣畏而愛之則而象之故能有其國家令聞長

世音聞臣有臣之威儀其下畏而愛之故能守其官

職保族宜家順是以下皆如是是以上下能相固

也衛詩曰威儀棣棣不可選也詩邶風棣棣富而閑也選數也言君臣

上下父子兄弟內外大小皆有威儀也周詩曰朋

友攸攝攝以威儀詩大雅攸所也攝佐也言朋友之道必相教訓

以威儀也周書數文王之德逸書○今周書武成曰大國畏其

力小國懷其德言畏而愛之也詩云不識不知順

帝之則言則而象之也大雅又言文王行事無所斟酌唯在則象上天紂囚文王

七年諸侯皆從之囚紂於是乎懼而歸之可謂愛

之文王伐崇再駕而降為臣文王聞崇德亂而伐之三旬不降退脩教而復伐之因壘而降

舞之可謂則之文王之行至今為法可謂象之有

威儀也故君子在位可畏施舍可愛進退可度周

旋可則容止可觀作事可法德行可象聲氣可樂
動作有文言語有章以臨其下謂之有威儀也行○

去聲下同

春秋左傳杜注卷第十九

春秋左傳杜注卷第二十

華亭姚培謙學

昭公

名稠襄公子母齊歸諡法威儀恭明曰昭

經元年春王正月公即位無傳○叔孫豹會晉趙武

楚公子圍齊國弱宋向戌衛齊惡陳公子招蔡公

孫歸生鄭罕虎許人曹人于虢招實陳侯母弟不稱弟者義與莊二十五年公子友同今

讀舊書則楚當先晉而先書趙武者亦取宋盟貴武之信故尚之也衛在陳蔡上先至於會○招常遙反○三月取鄆不稱將卑師少書取言易也○六月

丁巳邾子華卒無傳三同盟○晉荀吳帥師敗狄于大鹵

大鹵太原晉陽縣。穀梁傳。中國曰太原夷狄曰大鹵。○秋莒去疾自齊入于莒。國逆而立之曰

入。○莒展與出奔吳。弒君賊未會諸侯故不稱爵。季氏本曰不稱爵為弒君者所立不以為君也。

叔弓帥師疆鄆田。春取鄆今正其封疆。○葬邾悼公。無傳。○冬十

有一月己酉楚子麇卒。楚以瘡疾赴故不書弒。麇九倫反。楚公子比出

奔晉。書名罪之。高氏閔曰靈王既殺其君之子而自立比為右尹力不能制是以出奔春秋書之為十三年乾谿事起也。

傳元年春楚公子圍聘于鄭且娶於公孫段氏伍

舉為介。伍舉椒舉介副也。將入館。就客舍。鄭人惡之。知楚懷詐。使行人子

羽與之言乃館於外。舍城外。既聘將以眾逆。以兵入逆婦。子產

患之使子羽辭曰以敝邑褊小不足以容從者請

墀聽命。欲於城外除地為墀行昏禮。墀音善。令尹命大宰伯州犁對曰君

辱貺寡大夫圍謂圍將使豐氏撫有而室。豐氏公孫段。圍

布几筵告於莊共之廟而來。莊王圍之祖共王圍之父。若野賜之是

委君貺於草莽也是寡大夫不得列於諸卿也。言不得從

卿不寧唯是又使圍蒙其先君。蒙欺也告先君而來不得成禮於女氏之廟故以為欺先

君將不得為寡君老。大臣稱老懼辱命而黜退。其蔑以復矣唯大夫

圖之子羽曰小國無罪恃實其罪。恃大國而無備則是罪。將恃大

國之安靖已而無乃包藏禍心以圖之小國失恃

而懲諸侯使莫不憾者距違君命而有所壅塞不

行是懼

言已失所恃則諸侯懲恨以距君命雍塞不行所懼唯此

不然敝邑館人之屬也

館人守舍人也

其敢愛豐氏之祧

祧遠祖廟

伍舉知其有備也請垂

橐而入

垂橐示無弓也橐音羔弓衣也

許之正月乙未入逆而出遂會

於號

號鄭地東號君為鄭所滅故為鄭地

尋宋之盟也

宋盟在襄二十七年

祁午謂趙

文子曰宋之盟楚人得志於晉

得志謂先歃午祁奚子

今令尹之

不信諸侯之所聞也子弗戒懼又如宋

恐楚復得志

子木

之信稱於諸侯猶詐晉而駕馬

駕猶陵也詐謂衷甲

况不信之

尤者乎

尤甚也

楚重得志於晉晉之恥也子相晉國以

為盟主於今七年矣

襄二十五年始為政以春言故云七年

再合諸侯

襄二十五年會

夷儀二十六

年會澶淵

襄二十七年會于宋三十一年會澶淵及今會號也

服齊狄寧東夏

襄二十八年齊侯白狄朝晉

平秦亂

襄二十六年秦晉為成

城淳于

襄二十九年城杞之淳于杞遷都

師

徒不頓國家不罷民無謗讟

讟誹也罷音皮

諸侯無怨天

無大災子之力也有令名矣而終之以恥午也是

懼吾子其不可以不戒文子曰武受賜矣

受午言

然宋

之盟子木有禍人之心武有仁人之心是楚所以

駕於晉也今武猶是心也楚又行僭

僭不信

非所害也

武將信以為本循而行之譬如農夫是穠是藂

穠耘也藂也

苗為藂○穠音標藂音衰

雖有饑饉必有豐年

言耕鋤不以水旱息必獲豐年之收○饉其斲反

聞之能信不為人下吾未能也自恐未能信也詩曰不僭不

賊鮮不為則信也詩大雅僭不信賊害人也能為人則者不為人下

矣吾不能是難楚不為患楚令尹圍請用牲讀舊

書加于牲上而已舊書宋之盟書楚恐晉先歆故欲從舊書加于牲上不歆血經所以不書盟難去聲晉

人許之三月甲辰盟楚公子圍設服離衛設君服二人執戈陳於前

以自衛離陳也。兩人一左一右相離而行故稱衛叔孫穆子曰楚公子美矣君哉美服似君

鄭子皮曰二執戈者前矣禮國君行有二執戈者在蔡子家曰蒲

宮有前不亦可乎公子圍在會特緝蒲為王殿屋屏蔽以自殊異言既造王宮而居之雖服君服無所恠也楚

伯州犁曰此行也辭而假之寡君聞諸大夫譏之故言假以飾令尹過鄭

行人揮曰假不反矣言將遂為君伯州犁曰子姑憂子替

之欲背誕也襄三十年鄭子替殺伯有背命放誕將為國難言子且自憂此無為憂令尹不反戈背音佩子羽

曰當璧猶在假而不反子其無憂乎子羽行人揮當璧謂弃疾事在昭十三年

言弃疾有當璧之命圍雖取國猶將有難不無憂也齊國子曰吾代二子愍矣國子國弱也二子謂

王子圍及伯州犁圍此冬便篡位不能自終州犁亦尋為圍所殺故言可愍陳公子招曰不憂何成

二子樂矣言以憂生事事成而樂衛齊子曰苟或知之雖憂何害

齊子齊惡言先知為備雖有憂難無所損害宋合左師曰大國令小國共吾知

共而已共承大國命不能知其禍福晉樂王鮒曰小旻之卒章善矣

吾從之小旻詩小雅其卒章義取非唯暴虎馮河之可畏也不敬小人亦危殆王鮒從斯義故不敢譏議公子圍退會子

羽謂子皮曰叔孫絞而婉絞切也譏其似君反謂之美故曰婉宋左師簡

而禮無所臧否故曰簡共事大國故曰禮樂王鮒字而敬字愛也不犯凶人所以自愛敬子與

子家持之子子皮子家蔡公孫歸生持之言無所取與皆保世之主也齊衛陳

大夫其不免乎國子代人憂子招樂憂齊子雖憂

弗害夫弗及而憂與可憂而樂與憂而弗害皆取

憂之道也憂必及之大誓曰民之所欲天必從之

逸書三大夫兆憂憂能無至乎開憂兆也言以知物其是

之謂矣物類也察言以知禍福之類八年陳招殺犬子國弱齊惡當身各無患

○季武子伐莒取鄆兵未加莒而鄆服故書取而不言伐程子曰乘莒之亂而取之故隱避其辭莒

人告於會楚告於晉曰尋盟未退尋弭兵之盟而魯伐莒

瀆齊盟瀆慢也請戮其使時叔孫豹在會欲戮之樂桓子相趙文子桓子樂王

與梁其蹯曰貨以藩身子何愛焉蹯叔孫家臣以帶為辭弗

諸侯之會衛社稷也我以貨免魯必受師言不戮其使必伐其國

是禍之也何衛之為人之有牆以蔽惡也喻己為國衛如牆為人蔽

牆之隙壞誰之咎也咎在牆衛而惡之吾又甚焉罪甚雖

怨季孫魯國何罪怨季孫之伐莒叔出季處有自來矣吾又

誰怨季孫守國叔孫出使所從來久今遇此戮無所怨也然鮒也賄弗與不已召使者

裂裳帛而與之曰帶其褊矣言帶褊盡故裂趙孟聞之

曰臨患不忘國忠也謂言魯國何罪思難不越官信也謂言叔出季處

○難去聲下同圖國忘死貞也謂不以貨免謀主三者義也三者忠信貞有

是四者又可戮乎并義而四乃請諸楚曰魯雖有罪其執

事不辟難執事謂叔孫畏威而敬命矣謂不敢辟戮子若免之以

勸左右可也若子之羣吏處不辟汚汚勞事○孔疏事之勞身若穢之汚物

出不逃難不苟免其何患之有患之所生汚而不治難

而不守所由來也能是二者又何患焉不靖其能

其誰從之安靖賢能則衆附從魯叔孫豹可謂能矣請免之以

靖能者子會而赦有罪不伐魯又賞其賢赦叔孫諸侯其誰

不欣焉望楚而歸之視遠如邇○視遠如近不憚其勞以事楚也疆場

之邑一彼一此何常之有言今衰世疆場無定主○場音亦王伯之令

也言三王五伯有令德時引其封疆引正也正封界而樹之官樹立也立官以守國舉之

表旗旌旗以表貴賤而著之制令為諸侯作制度法令使不得相侵犯過則有刑猶

不可壹於是乎虞有三苗三苗饕餮放三危者夏有觀扈觀國今頓邱衛

有姓邳二國商諸侯邳今下邳縣○姓西典反周有徐奄二國皆嬴姓書序曰成王伐淮夷遂踐奄徐即淮夷○淮

浦之夷其國名徐也成王伐淮夷遂踐奄因以封周公蓋周公已封於武王時而成王以奄地益之今志言曲阜舊城即古奄地或言奄城在縣東二里

昭公

自無令王諸侯逐進逐猶狎主齊盟其又可壹乎疆

無常故更主盟恤大舍小足以為盟主大謂篡弒滅亡之禍又焉用之焉

治小封疆之削何國殺有主齊盟者誰能辯焉辯治也吳

濮有覺楚之執事豈其顧盟吳在東濮在南今建寧郡南有濮夷覺過也○晉建寧郡在今

雲南界杜蓋極言其所至也莒之疆事楚勿與知諸侯無煩不亦可

乎莒魯爭鄆為日久矣苟無大害於其社稷可無

亢也亢禦○不去煩宥善莫不競勸子其圖之固請

諸楚楚人許之乃免叔孫令尹享趙孟賦大明之

首章大明詩大雅首章言文王明明照於下故能赫赫盛於上令尹意在首章故特稱首章以自光大趙孟賦小

宛之二章小宛詩小雅二章取其各敬爾儀天命不又言天命一去不可復還以戒令尹事畢趙孟謂

叔向曰令尹自以為王矣何如問將能成否對曰王弱令

尹疆其可哉言可成雖可不終趙孟曰何故對曰疆以

克弱而安之疆不義也安於勝君是疆而不義不義而疆其斃必

速詩曰赫赫宗周褒姒滅之疆不義也詩小雅褒姒周幽王后幽王惑

焉而行不義遂至滅亡言雖赫赫盛疆不義足以滅之令尹為王必求諸侯晉少懦矣

懦弱也○諸侯將往若獲諸侯其虐滋甚滋益也民弗堪

也將何以終夫以疆取取不不義而克必以為道以不

道道以淫虐弗可久已矣為十三年楚弒靈王傳

○夏四月趙孟叔孫豹曹大夫入于鄭會罷鄭伯兼

享之子皮戒趙孟戒享禮終趙孟賦瓠葉受所戒禮畢而賦詩瓠葉詩小

雅義取古人不以微薄廢禮雖瓠葉兔首猶與賓客享之。瓠戶故反。子皮遂戒穆叔且告之告以趙孟

賦瓠穆叔曰趙孟欲一獻瓠葉詩義取薄物而以獻酬知欲一獻子其從之子

皮曰敢乎言不敢穆叔曰夫人之所欲也又何不敢夫人趙孟

及享具五獻之籩豆於幕下朝聘之制大國之卿五獻趙孟辭趙孟自以今非

聘鄭故私於子產私語曰武請於冢宰矣冢宰子皮請謂賦瓠葉乃用

一獻趙孟為客禮終乃宴卿會公侯享宴皆折俎不體薦。享禮既終即因而為宴不待異日也

穆叔賦鵲巢鵲巢詩召南言鵲有巢而鳩居之喻晉君有國趙孟治之趙孟曰武不堪也

又賦采芣亦詩召南義取芣菜薄物可以薦公侯享其信不求其厚也曰小國為芣大國

省穡而用之其何實非命穆叔言小國微薄猶芣菜大國能省愛用之而不弃則何敢不從命穡愛也

子皮賦野有死麇之卒章野有死麇詩召南卒章曰舒而脫脫兮無感我愷兮無使虺也

吠脫脫安徐悅佩巾義取君子徐以禮來無使我失節而使狗驚吠喻趙孟以義撫諸侯無以非禮相加陵。脫吐外反。趙氏訪曰虺喻楚諸侯惡楚圍欲趙孟安趙孟賦常棣常棣詩小雅取其凡今之人莫如兄弟言欲親兄弟之國且曰吾兄

弟比以安虺也可使無吠受子皮之詩比毗志反穆叔子皮及曹

大夫興拜三大夫皆兄弟國興起也舉兕爵曰小國賴子知免於戾

矣兕爵所以罰不敬言小國蒙趙孟德比以安自知免此罰戮飲酒樂趙孟出曰吾不復

此矣不復見此樂

昭公

○天王使劉定公勞趙孟於潁館於雒汭王周景王定公劉夏潁水

出陽城縣雒汭在河南鞏縣南水曲流為汭。水經注洛水入河之處清濁異流亦名什谷隋置洛口倉於此今屬河南河南府鞏縣劉子

曰美哉禹功見河雒而思禹功明德遠矣微禹吾其魚乎吾

與子弁冕端委以治民臨諸侯禹之力也弁冕冠也端委禮衣言今

得共服冠冕有國家者皆由禹之力。孔疏冠者首服之總名弁冕冠中之小別弁冕是首服端委是身服服虔云禮衣端正無殺故曰端文德之衣尚

寢長故曰委子盍亦遠績禹功而大庇民乎勸趙孟使纂禹功。孔疏績亦功也遠績

禹功者勸之為大功使遠及後世若大禹也對曰老夫罪戾是懼焉能恤遠吾

儕偷食朝不謀夕何其長也言欲苟免目前不能念長久劉子歸以

語王曰諺所謂老將知而耄及之者八十曰耄耄亂也。知音智其

趙孟之謂乎為晉正卿以主諸侯而儕於隸人朝

不謀夕言其自比於賤人而無恤民之心弃神人矣民為神主不恤民故神人皆去神怒民

叛何以能久趙孟不復年矣言將死不復見明年神怒不歆其

祀民叛不即其事祀事不從又何以年為此冬趙孟卒起本

○叔孫歸號會曾天御季孫以勞之旦及日中不出

恨季孫伐莒使已幾被戮曾天謂曾阜曾阜叔孫家臣曰旦及日中吾知罪矣

魯以相忍為國也忍其外不忍其內焉用之欲受楚戮是忍

其外日中不出阜曰數月於外言叔孫勞役在外數月一旦於是庸何

傷賈而欲贏而惡蹶乎言譬如商賈求贏利者不得惡蹶之聲。賈音古阜謂叔孫

曰可以出矣叔孫指楹曰雖惡是其可去乎乃出

見之楹柱也以喻魯有季孫猶屋有柱

○鄭徐吾犯之妹美犯鄭大夫公孫楚聘之矣楚子南穆公孫公孫

黑又使強委禽焉禽雁也納採用雁犯懼告子產子產曰是

國無政非子之患也唯所欲與犯請於二子請使

女擇焉皆許之子皙盛飾入布幣而出布陳贄幣子皙公孫黑子

南戎服入左右射超乘而出女自房觀之曰子皙

信美矣抑子南夫也言丈夫夫夫婦婦所謂順也孔疏夫如夫

道當剛強也婦如婦節當柔弱也如是所謂順也適子南氏子皙怒既而橐甲以見

子南欲殺之而取其妻子南知之執戈逐之及衝

擊之以戈衝交道子皙傷而歸告大夫曰我好見之不

知其有異志也故傷大夫皆謀之子產曰直鈞幼

賤有罪罪在楚也先聘子南直也子南用戈子皙直也子產力未能討故鈞其事歸罪於楚乃執

子南而數之曰國之大節有五女皆奸之奸犯也奸音干畏

君之威聽其政尊其貴事其長養其親五者所以

為國也今君在國女用兵焉不畏威也奸國之紀

不聽政也奸國之紀謂傷人子皙上大夫女嬖大夫而弗下

之不尊貴也幼而不忌不事長也忌畏也兵其從兄不

養親也。○從去聲君曰余不女忍殺宥女以遠勉速行乎。

無重而罪五月庚辰鄭放游楚於吳將行子南子

產咨於大叔犬叔游楚之兄子大叔曰吉不能亢身焉能亢

宗亢蔽也彼國政也非私難也子圖鄭國利則行之又

何疑焉周公殺管叔而蔡蔡叔蔡放也○蔡蔡上素葛反說文作釐放散之義夫

豈不愛王室故也吉若獲戾子將行之何有於諸

游為二年鄭殺公孫黑傳

○秦后子有寵於桓如二君於景后子秦桓公子景公母弟鍼也其權寵如兩君

其母曰弗去懼選選數也恐景公數其罪而加戮癸卯鍼適晉其車千

乘書曰秦伯之弟鍼出奔晉罪秦伯也罪失教后子享

晉侯為晉侯設享禮造舟于河造舟為梁通秦晉之道○造七報反○李巡注爾雅云比其船而度也孔疏造為至義言

十里舍車一舍八乘為八反之備自雍及絳雍絳相去千里用車八百乘○雍去聲

歸取酬幣備九獻之儀始禮自齋其一故續送其八酬酒幣終事八反每十里以八乘車各以次載幣相授而還

馬曰子之車盡於此而已乎對曰此之謂多矣若

能少此吾何以得見言已坐車多故出奔女叔齊以告公叔齊司馬侯○

且曰秦公子必歸臣聞君子能知其過必有令

圖令圖天所贊也后子見趙孟趙孟曰吾子其曷

女音

歸問何時對曰。鍼懼選於寡君。是以此將待嗣君。

趙孟曰。秦君何如。對曰。無道。趙孟曰。亡乎。對曰。何

為。一世無道。國未艾也。艾。絕也。○艾。魚廢反。國於天地。有與立

焉。言欲輔助之者多。不數世淫。弗能斃也。趙孟曰。天乎。對曰。

有焉。趙孟曰。其幾何。對曰。鍼聞之。國無道而年穀

和熟。天贊之也。贊。佐助也。鮮不五稔。鮮。少也。少尚當歷五年。多則不啻。趙孟視

蔭曰。朝夕不相及。誰能待五。蔭。日景也。趙孟意衰。以日景自喻。故言朝夕不相及。誰能待五。

后子出而告人曰。趙孟將死矣。主民翫歲

而惕日。翫。惕皆貪也。○惕。苦蓋反。○蔭。於金反。本亦作陰。其與幾何。言不能久。

○鄭為游楚亂故。游。楚子南。六月丁巳。鄭伯及其大夫盟

于公孫段氏罕虎。公孫僑。公孫段。印段。游吉。駟帶。

私盟于閨門之外。實薰隧。閨門。鄭城門。薰隧。門外道名。實之者。為明年子產數子。哲。罪。稱薰隧。盟起本。

公孫黑強與於盟。使大史書其名。且曰。七子。自欲同於

六卿故曰七子。子產弗討。子哲強討之。恐亂國。

○晉中行穆子敗無終及羣狄于大原。即大鹵也。無終。山戎。崇

卒也。崇。聚也。將戰。魏舒曰。彼徒我車。所遇又阨。地險不便車。○阨。於懈反。

以什共車。必克。更增十人。以當一車之用。○共音恭。困諸阨。又克。車每困於阨。道今去車。故

為必克。○以二伍當一車。困程于阨。皆有克道也。請皆卒。去車為步卒。自我始。乃毀車以為

行魏舒先自毀其屬車

五乘為三伍

乘車者車三人五乘十五人今改為步陳○行音杭

伍○五乘

荀吳之嬖人不肯即卒斬以徇

魏舒輒斬之荀吳不恨所以能立功

為五陳以相離兩於前伍於後專為右角參為左

角偏為前拒

皆臨時處置之名○拒九甫反○道厄難于用衆制此五陳不相聯屬易于進退也

以誘之翟

人笑之

笑其失常

未陳而薄之大敗之

傳言荀吳能用善謀

○莒展輿立而奪羣公子秩公子召去疾于齊秋

齊公子鉏納去疾

齊雖納去疾莒人先召之故從國逆例書入去疾奔齊在襄三十一年

展輿奔

吳

吳外孫叔弓帥師疆鄆田因莒亂也

此春取鄆今正其疆界

於是莒

務婁瞽胡及公子滅明以大厖與常儀靡奔齊

展輿黨大厖常儀靡莒二邑○當在今山東青州府莒州北境音茂

君子曰莒展之不立弃人

也夫

奪羣公子秩是弃人

人可弃乎詩曰無競惟人善矣

詩周頌言惟得人則國家彊

家彊

○晉侯有疾鄭伯使公孫僑如晉聘且問疾叔向

問焉曰寡君之疾病卜人曰實沈臺駘為祟史莫

之知敢問此何神也子產曰昔高辛氏有二子伯

曰闕伯季曰實沈

高辛帝譽○駘他才反闕於葛反○崇息遂反

居于曠林不相

能也

曠林地闕

日尋干戈以相征討

尋用也

后帝不臧

后帝堯也臧善也

遷闕伯于商邱主辰

商邱宋地主祀辰星辰大火也○釋例云宋商商邱三名一地

商人

因故辰為商星

商人湯先相土封商邱因闕伯故國祀辰星

遷實沈于大夏主

大夏今晉陽地。參音森

唐人是因以服事夏商

唐人之季世魯縣此在大夏。孔疏

累雖遷魯縣子孫仍在

其季世曰唐叔虞

唐人之季世其君曰叔虞當武王

邑姜方震大叔

邑姜武王后齊大公之女懷胎為震大叔成王之弟叔虞。震本又作娠音申說文女妊身動也大音泰

夢帝謂已余命而子曰虞

帝天取唐君之名

將與之唐屬諸

參而蕃育其子孫及生有文在其手曰虞遂以命

之及成王滅唐而封大叔焉故參為晉星

叔虞封唐是為晉侯。屬

之王反。史記叔虞封唐侯子燮父改為晉侯

由是觀之則實沈參神也昔金天

氏有裔子曰昧為玄冥師生允格臺駘

金天氏帝少皞裔遠也玄冥水

官昧為水官之長

臺駘能業其官

纂昧之業

宣汾洮

宣猶通也汾洮二水名洮他刀反。後漢志

聞喜有洮水今聞喜縣屬山西平陽府

障大澤

障障之

以處大原

大原晉陽也臺駘之所居

帝用嘉

之封諸汾川

帝顓頊

沈如蓐黃實守其祀

四國臺駘之後。沈音審

今晉

主汾而滅之矣

滅四國

由是觀之則臺駘汾神也抑此

二者不及君身山川之神則水旱癘疫之災於是

乎崇之

有水旱之災則崇祭山川之神若臺駘者周禮四曰崇祭為營攢用幣以祈福祥。崇音詠攢子管反。崇祈禱之小祭也。日月

山川之神其祭非有常處故臨時營其地立攢表

用幣告之以祈福祥也攢聚也聚草木為祭處日月星辰之神則

雪霜風雨之不時於是乎崇之

星辰之神若實沈者。孔疏言此崇祭祭其先世主山川

主星辰者之神矣非獨祭此山川星辰之神也

若君身則亦出入飲食哀樂之事

也山川星辰之神又何為焉言實沈臺駘不為君疾僑聞之君子

有四時朝以聽政聽國政晝以訪問問可夕以脩令念所施夜

以安身於是乎節宣其氣宣散也勿使有所壅閉湫底

以露其體湫集也底滯也露高也壹之則血氣集茲心不爽而

昏亂百度茲此也爽明也今無乃壹之同四時也則生疾矣僑

又聞之內官不及同姓內官嬪御其生不殖殖長也美先盡矣

則相生疾同姓之相與先美矣美極則盡盡則生疾君子是以惡之故志曰買

妾不知其姓則卜之違此二者古之所慎也壹四時取同姓

二者古人所慎男女辨姓禮之大司也辨別也今君內實有四姬

焉同姓姬四人其無乃是也乎若由是二者弗可為也已

為治也四姬有省猶可無則必生疾矣據異姓去同姓故言省叔向曰

善哉肸未之聞也此皆然矣叔向出行人揮送之

送叔向叔向聞鄭故焉且問子皙對曰其與幾何言將敗不久

無禮而好陵人怙富而卑其上弗能久矣為明年鄭殺公孫黑

傳晉侯聞子產之言曰博物君子也重賄之晉侯

求醫於秦秦伯使醫和視之曰疾不可為也是謂

近女室疾如蠱蠱惑疾非鬼非食惑以喪志惑女色而失志良臣

將死天命不祐良臣不直救君過故將死而不為天所祐公曰女不可迨乎對

曰節之先王之樂所以節百事也故有五節五聲之節遲

速本末以相及中聲以降五降之後不容彈矣此謂先王

之樂得中聲聲成五降而息也降罷退言五降而息罷退於是

有煩手淫聲悖堙心耳乃忘平和君子弗聽也五降而不息則雜聲竝奏

所謂鄭衛之聲。悖吐刀反。堙音因。傅氏遜曰。五聲以黃鍾為宮。然還相

為宮則其餘十一律皆可為宮。宮必為君而不可下于臣。商必為臣而不可

上于君。角民徵事羽物。皆以次降殺。其有過中者不用正聲而以半聲應之

是為五降。五降得其節則八音克諧而可彈。五降而後非復正聲則鄭衛之

音君子弗聽矣。物亦如之。言百事皆如樂不可失節至於煩乃舍也已無以生

疾煩不捨則生疾君子之近琴瑟以儀節也非以悖心也為心之節

儀使動不過度天有六氣謂陰陽風雨晦明也降生五味謂金味辛木味酸水味鹹火味苦土味甘皆由

陰陽風雨而生。孔疏氣皆由天故言天有六氣五味在地故云降生五味

五味是五行之味六氣共生五行故杜解五味皆由陰陽風雨晦明而生是

言六氣共生之非言一氣生一行也發為五色辛色白酸色青鹹色黑苦色赤甘色黃發見也徵為五聲

白聲商青聲角黑聲羽赤聲徵黃聲宮徵驗也淫生六疾淫過也滋味聲色所以養人然過則生害六氣曰陰

陽風雨晦明也分為四時序為五節六氣之化分而序之則成四時得五行之

節過則為菑陰淫寒疾寒過則為冷陽淫熱疾熱過則為渴風淫

末疾末四肢也風為緩急雨淫腹疾雨濕之氣為洩注晦淫惑疾晦夜也為宴寢過節

則心感亂明淫心疾明晝也思慮煩多心勞生疾女陽物而晦時淫則生內

熱惑蠱之疾女常隨男故言陽物家道常在夜故言晦時顧氏炎武曰女陰也陰中有陽其物屬火故為陽今君

不節不時能無及此乎出告趙孟趙孟曰誰當良

臣對曰。主是謂矣。主相晉國。於今八年。晉國無亂。諸侯無闕。可謂良兵。和聞之。國之大臣。榮其寵祿。任其大節。有蓄禍興而無改焉。改改行以救蓄君至於淫。以生疾。將不能圖恤社稷。禍孰大焉。主不能禦。吾是以云也。云主將死趙孟曰。何謂蠱。對曰。淫溺。惑亂之所生也。溺沈沒於嗜欲於文。皿蟲為蠱。文字也。皿器也。器受蟲害者為蠱穀之飛亦為蠱。穀久積則變為飛蟲。名曰蠱在周易。女惑男。風落山。謂之蠱。三三巽下艮上。蠱巽為長女。為風。艮為少男。為山。少男而說長女。非匹。故惑。山木得風而落。皆同物也。物猶類也趙孟曰。良醫也。厚其禮而歸之。贈賄之禮

○楚公子圍使公子黑肱伯州犁。城犍。犍黑肱王子圍之弟。子皙也。犍縣屬南陽。郊縣屬襄城。犍今河南南陽翟縣三邑。本鄭地。○犍。尺州。反。犍音歷。○今河南汝寧府魯山縣東南有犍縣。故城。郊縣今屬汝寧府。

鄭人懼子產曰。不害。令尹將行大事。謂將而先除二子也。二子謂黑肱伯州犁禍不及鄭。何患焉。冬。楚公子圍將

聘于鄭。伍舉為介。未出竟。聞王有疾。而還。伍舉遂聘。十一月己酉。公子圍至。入問王疾。繼而弒之。繼絞也。孫

卿曰。以冠纓絞之。長歷推己酉。十二月六日。經傳皆言十一月。月誤也。遂殺其二子。幕及平夏。皆鄭

右尹子干出奔晉。子干。王子比宮廐尹子皙出奔鄭。因築城而去

殺大宰伯州犁于郊。葬王于郊。謂之郊。敖郊。敖楚子麋使

赴于鄭伍舉問應為後之辭焉

問赴者○應答也人問對孰當為後商所以答之

曰寡大夫圍伍舉更之曰共王之子圍為長

伍舉更赴辭使

從禮此告終稱嗣不以篡弒赴諸侯○長上聲

子干奔晉從車五乘叔向使與秦

公子同食

食祿同○從去聲

皆百人之餼

百人一卒也其祿足百人○餼音堅

趙文子

曰秦公子富

謂秦鍼富強秩祿不宜與子干同

叔向曰底祿以德

底致也○底音

旨○德大則官高官高則祿厚故致祿以德之大小為差也

德鈞以年年同以尊

謂以官為之尊卑也

公子以國不聞以富且夫以千乘去其國彊禦已

甚詩曰不侮鰥寡不畏彊禦

詩大雅侮陵也

秦楚匹也使后

子與子干齒

以年齒為高下而坐○傅氏遜曰齒猶齊列也

辭曰鍼懼選楚公子

不獲是以皆來亦唯命

不獲不得自安言俱奔事有優劣唯主人命所處謙辭

且臣與

羈齒無乃不可乎

后子先來仕欲自同於晉臣為主人子干後來奔以為羈旅之客

史佚有言

曰非羈何忌

忌敬也欲謙以自別

楚靈王即位遠罷為令尹遠

啓彊為大宰

靈王公子圍也即位易名熊虔

鄭游吉如楚葬郊敖且聘

立君歸謂子產曰具行器矣

行器會備

楚王汰侈而自說

其事必合諸侯吾往無日矣子產曰不數年未能

也

為四年會申傳○說音悅

○十二月晉既烝

烝冬祭也

衰趙武之曾祖其廟在晉之南陽温縣往會祭之

甲辰朔烝于温

趙氏烝祭甲辰十二月朔晉既烝趙孟乃烝其家廟則晉

燕當在甲辰之前傳言十二月月誤庚戌卒十二月七日終劉定公秦后子之言鄭伯如晉弔及

雍乃復弔趙氏蓋趙氏辭之而還傳言大夫彊諸侯畏而弔之。雍去聲

經二年春晉侯使韓起來聘○夏叔弓如晉叔弓叔老子

○秋鄭殺其大夫公孫黑書名惡之薰隧盟子產不討遂以為卿故書之○冬公

如晉至河乃復弔少姜也晉人辭之故還季孫宿如晉致襚服也公實以秋行冬還乃書

傳二年春晉侯使韓宣子來聘公即位故且告為政而來

見禮也代趙武為政雖盟主而修好同盟故曰禮。見音現觀書於大史氏見易象與

魯春秋曰周禮盡在魯矣易象上下經之象辭魯春秋史記之策書春秋遵周公之典以序事故曰

吾乃今知周公之德與周之所以王也易象春秋在魯矣

周公之制當此時儒道廢諸國多闕唯魯備故宣子適魯而說之○以王于况反 公享之季武子賦縣之

卒章縣詩大雅卒章義取文王有四臣故能以縣縣致興盛以晉侯比文王以韓子比四輔韓子賦角弓角弓詩小

寡君有望矣彌縫猶補合也謂以兄弟之義武子賦節之卒章節詩小雅卒章取式訛爾

武子曰宿敢不封殖此樹以無忘角弓

之譽其好也武子曰宿敢不封殖此樹以無忘角弓

遂賦甘棠甘棠詩召南召伯息於甘棠之下詩人思之而愛其樹武子欲封殖嘉樹如甘棠以宣子比召公宣

子曰起不堪也無以及召公宣子遂如齊納幣為平

見子雅子雅召子旗子旗子雅之子使見宣子宣子曰非

少姜公聘見子雅子雅召子旗子旗子雅之子使見宣子宣子曰非

保家之主也不臣志氣亢○見音現下見疆同見子尾子尾見疆疆子尾之

宣子謂之如子旗亦不大夫多笑之唯晏子信之

曰夫子君子也夫子韓起君子有信其有以知之矣為十年齊樂施

高疆來奔張本自齊聘於衛衛侯享之北宮文子賦淇澳淇澳詩衛

風美武公也言宣子有武公之德宣子賦木瓜木瓜亦衛風義取於欲厚報以為好

○夏四月韓須如齊逆女須韓起之子逆少姜齊陳無宇送女

致少姜少姜有寵於晉侯晉侯謂之少齊為立別號所以寵異之

謂陳無宇非卿欲使齊以適夫人禮送少姜執諸中都中都晉邑在山西休縣東南○今山西

汾州府平遙縣西北十二里有中都古城西南至界休五十里少姜為之請曰送從逆班班列也○

劉氏炫曰昏禮諸侯以下法當親迎有故得使卿明是使上卿也凡例云凡公女嫁于敵國姊妹則上卿送之公子則下卿送之是送卑於逆者一等故云送者從逆者之班次言當卑於逆者也畏大國也猶有所易是以亂作韓須公族大夫

陳無宇上大夫言齊畏晉改易禮制使上大夫送遂致此執辱之罪蓋少姜謙以示譏

○叔弓聘于晉報宣子也此春韓宣子來聘晉侯使郊勞聘禮賓至

近郊君使卿勞之辭曰寡君使弓來繼舊好固曰女無敢為

賓徹命於執事敝邑弘矣徹達也敢辱郊使請辭辭郊勞致

館辭曰寡君命下臣來繼舊好好合使成臣之祿

也得通君命則於己為榮祿敢辱大館敢不叔向曰子叔子知禮哉吾

聞之曰忠信禮之器也卑讓禮之宗也宗猶主也辭不忘

國忠信也謂稱舊好先國後已卑讓也始稱敝邑之弘先國也詩

曰敬慎威儀以迓有德夫子迓德矣詩大雅

○秋鄭公孫黑將作亂欲去游氏而代其位游氏犬叔之族

黑為游楚所傷故欲害其族傷疾作而不果前年游楚所擊創○創初良反駟氏與諸大

夫欲殺之駟氏黑之族子產在鄙聞之懼弗及乘遽而至

遽傳驛○遽其據反傳中戀反使吏數之責數其罪曰伯有之亂在襄三以大國

之事而未爾討也務共大國命不暇治女罪爾有亂心無厭國不女

堪專伐伯有而罪一也昆弟爭室而罪二也謂爭徐吾犯之

妹○厭平聲薰隧之盟女矯君位而罪三也謂使犬史書七子有死

罪三何以堪之不速死大刑將至再拜稽首辭曰

死在朝夕無助天為虐子產曰人誰不死凶人不

終命也作凶事為凶人不助天其助凶人乎請以

印為褚師印子皙之子褚師市官○褚張呂反子產曰印也若才君將任

之不才將朝夕從女女罪之不恤而又何請焉不

速死司寇將至七月壬寅縊尸諸周氏之衢衢道也加

木焉書其罪於木以加尸上

○晉少姜卒公如晉及河晉侯使士文伯來辭曰

非伉儷也晉侯溺於所幸為少姜行夫人之服故諸侯弗不請君無

辱公還季孫宿遂致服焉致少姜之禭服公以未秋行始冬還還乃書之故經在冬

○叔向言陳無宇於晉侯曰彼何罪彼無罪君使公族

逆之齊使上大夫送之猶曰不共君求以貪已通國

則不共逆卑於送是晉國不共而執其使顧氏炎武曰言齊國不共非使人之罪君刑已頗

何以爲盟主頗不平頗普多反且少姜有辭謂請無字之辭冬十月陳

無宇歸晉侯赦之

○十一月鄭印段如晉弔弔少姜

經三年春王正月丁未滕子原卒襄二十五年盟重邱○夏叔

弓如滕五月葬滕成公卿共小國之葬禮過厚葬襄公滕子來會故魯厚報之○秋小

邾子來朝○八月大雩○冬大雨雹無傳記災○北

燕伯款出奔齊不書大夫逐之而言奔罪之也書名從告

傳三年春王正月鄭游吉如晉送少姜之葬梁丙

與張趯見之二子晉大夫趯他歷反梁丙曰甚矣哉子之爲此來

也卿共妾葬過禮甚爲去聲子大叔曰將得已乎言不得止昔文襄之霸

也晉文公襄公其務不煩諸侯令諸侯三歲而聘五歲而

朝有事而會不協而盟明王之制歲聘間朝在十三年今簡之君薨大夫弔

卿共葬事夫人士弔大夫送葬先王之制諸侯之喪士弔大夫送葬在三十年蓋時俗過

制故文襄雖節之猶過於古足以昭禮命事謀闕而已昭公盟會以謀闕無加

命矣命有常今嬖寵之喪不敢擇位而數於守適不敢以其位卑

而令禮數如守適夫人然則時適夫人之喪弔送之禮已過文襄之制。數所具反。劉氏炫曰不敢擇取使人於卑賤之位而禮數同於守內官之適

也夫人唯懼獲戾豈敢憚煩少姜有寵而死齊必繼室

繼室復薦女今茲吾又將來賀不唯此行也張趯曰善哉

吾得聞此數也然自今子其無事矣譬如火焉火心星

火中寒暑乃退心以季夏昏中而暑退季冬旦中而寒退此其極也能無退乎

晉將失諸侯諸侯求煩不獲言將不能復煩諸侯二大夫退子

大叔告人曰張趯有知其猶在君子之後乎譏其無隱諱

知音

○丁未滕子原卒同盟故書名同盟於襄之世亦應從同盟之禮故傳發之

○齊侯使晏嬰請繼室於晉復以女繼少姜曰寡君使嬰曰

寡人願事君朝夕不倦將奉質幣以無失時則國

家多難是以不獲不得自來質之二反不腆先君之適謂少姜以備

內官焜燿寡人之望則又無祿早世隕命寡人失

望君若不忘先君之好惠顧齊國辱收寡人微福

於大公丁公微要也二公齊先君言收恤寡人則先君與之福也焜胡本反明也燿照也言得備妃嬪之列照明已之意

也望照臨敝邑鎮撫其社稷則猶有先君之適適夫人之女

及遺姑姊妹遺餘也若而人言如常人不敢譽君若不弃敝邑而

辱使董振擇之。以備嬪嬙。寡人之望也。董正也。振整也。嬪嬙婦官。言

正整選擇。示精審也。韓宣子使叔向對曰。寡君之願也。寡君不

能獨任其社稷之事。未有伉儷在纒經之中。是以

未敢請。制夫人之服則葬訖。君乃釋服。任音壬。君有辱命。惠莫大焉。若惠

顧敝邑。撫有晉國。賜之內主。豈唯寡君。舉羣臣實

受其貺。其自唐叔以下。實寵嘉之。唐叔晉之祖。既成昏。許昏成。

晏子受禮。受賓享之禮。叔向從之。宴相與語。叔向曰。齊其

何如。問興衰。晏子曰。此季世也。吾弗知。齊其為陳氏矣。

不知其他。唯知齊將為陳氏。公弃其民而歸於陳氏。弃民不恤。齊舊四量。豆

區。釜。鍾。四升為豆。各自其四。以登於釜。四豆為區。區斗六升。四區為釜。

釜六斗四升。登成也。區音歐。釜十則鍾。六斛四斗。陳氏三量。皆登一焉。鍾乃

大矣。登加也。加一謂加舊量之一也。以五升為豆。五豆為區。五區為釜。則區二斗。釜八斗。鍾八斛。以家量貸。而

以公量收之。貸厚而收薄。山木如市。弗加於山。魚鹽蜃蛤。

弗加於海。賈如在山海不加貴。蜃食軫反。賈音嫁。如訓往也。言將山木往至市也。民參其力。二

入於公。而衣食其一。言公重賦斂。公聚朽蠹。而三老凍餒。

三老謂上壽中壽下壽。皆八十已上。不見養遇。國之諸市。屨賤踊貴。踊則足者。屨言則多。民人

痛疾。而或燠休之。燠休痛念之聲。謂陳氏也。燠於喻反。休虛喻反。服氏虔曰。痛其痛而念之。若今時小兒痛

父母以口就之曰燠。休代其痛也。其愛之如父母。而歸之如流水。欲無

春秋傳注卷之三 昭公

獲民將焉辟之箕伯直柄虞遂伯戲四人皆舜後陳氏之先○戲平聲其

相胡公大姬已在齊矣胡公四人之後周始封陳之祖大姬其妃也言陳氏雖為人臣然將有國其先

祖鬼神已與胡公其在齊○相助也叔向曰然雖吾公室今亦季世也戎

馬不駕卿無軍行言晉衰弱不能征討救諸侯○行音杭公乘無人卒列無

長百人為卒言人皆非其人非其長○乘去聲庶民罷敝而宮室滋侈滋益也道殣

相望餓死為殣○殣音覲毛詩作瑾路冢也而女富溢尤女嬖寵之家○言嬖妾之家其富尤甚民間

公命如逃寇讎樂卻胥原狐續慶伯降在阜隸八姓晉舊臣之族也阜隸賤官○五姓皆卿政在家門大夫專政民無所依君日

不悛以樂悞憂悞藏悞改也○以逸樂之過藏憂之萌公室之卑其何日之

有言今至讒鼎之銘讒鼎名也○服氏虔曰讒鼎疾讒之鼎明堂位所云崇鼎是也一云讒地名禹鑄九鼎于甘讒之地曰

昧旦不顯後世猶怠昧旦早起也平大也言夙興以務大顯後世猶懈怠况日不悛其

能久乎晏子曰子將若何問何以免此難叔向曰晉之公族

盡矣胙聞之公室將卑其宗族枝葉先落則公從

之胙之宗十一族同祖為宗唯羊舌氏在而已胙又無子

無賢子公室無度無法度幸而得死言得以壽終為幸豈其獲祀言必不得祀

初景公欲更晏子之宅曰子之宅近市湫隘踣塵

不可以居湫下隘小踣聲塵請更諸爽塏者爽明塏燥○塏苦代反○高地

故為燥辭曰君之先臣容焉先臣晏子之先人臣不足以嗣之於

臣侈矣侈奢也且小人近市朝夕得所求小人之利也

敢煩里旅旅衆也公笑曰子近市識貴賤乎對曰

既利之敢不識乎公曰何貴何賤於是景公繁於

刑繁多也有鬻踊者故對曰踊貴履賤既已告於君故

與叔向語而稱之傳護晏子今不與張趯同譏景公為是省於刑君

子曰仁人之言其利博哉晏子一言而齊侯省刑

詩曰君子如祉亂庶遄已詩小雅如行也祉福也遄疾也言君子行福則庶幾亂疾止也其

是之謂乎及晏子如晉公更其宅反則成矣既拜

拜謝新宅乃毀之而為里室皆如其舊本壞里室以大晏子之宅故復之則使

宅人反之還其故室且諺曰非宅是卜唯鄰是卜卜良鄰二三

子先卜鄰矣二三子謂鄰人違卜不祥君子不犯非禮去儉即奢為非

禮小人不犯不祥古之制也吾敢違諸乎卒復其

舊宅公弗許因陳桓子以請乃許之傳言齊晉之衰賢臣懷憂且言陳氏之興

○夏四月鄭伯如晉公孫段相甚敬而卑禮無違

者晉侯嘉焉授之以筮筮賜命之書曰子豐有勞於晉國

子豐段之父余聞而弗忘賜女州田州縣今屬河內郡○州本周邑隱十一年王以子鄭是時又屬晉

以胙乃舊勲伯石再拜稽首受筮以出君子曰禮

其人之急也乎伯石之汰也汰驕也一為禮於晉猶荷

其祿况以禮終始乎。詩曰：人而無禮，胡不遄死。其是之謂乎。初，州縣、欒、豹之邑也。豹，欒盈族。及欒氏亡，范宣

子趙文子、韓宣子皆欲之。文子曰：溫，吾縣也。州本屬溫，溫趙

氏二宣子曰：自郤稱以別，三傳矣。郤稱，晉大夫，始受州，自是州與溫別。至今傳三家。稱去

聲晉之別縣不唯州，誰獲治之。言縣邑既別甚多，無有得追而治取之。文子

病之，乃舍之。二子曰：吾不可以正議而自與也。皆

舍之。及文子為政，趙獲曰：可以取州矣。獲，趙文子之子。文子

曰：退。使獲退也。二子之言，義也。二子，二宣子也。違義禍也。余不能治

余縣，又焉用州。其以徼禍也。君子曰：弗知實難。患不知禍

所起知而弗從，禍莫大焉。有言州必死。豐氏故主韓

氏。故猶舊也。豐氏至晉，舊以韓氏為主人。伯石之獲州也。韓宣子為之請之。

為其復取之之故。後若還晉，因自欲取之。為七年豐氏歸州張本。

○五月，叔弓如滕，葬滕成公。子服椒為介。及郊，遇

懿伯之忌，敬子不入。忌，怨也。懿伯，椒之叔父。敬子，叔弓也。叔弓禮椒為之辟仇。○按：忌，忌日也。敬子，桓公七世

孫。惠伯，桓公六世孫。懿伯，惠伯之叔父。而敬子之五從祖也。惠伯曰：公事有公利，無私忌。椒

請先入，乃先受館。敬子從之。惠伯子服椒也。傳言叔弓之有禮。

○晉韓起如齊，逆女。為平公逆。公孫薑為少姜之有寵也。

以其子更公女而嫁公子。更嫁公女。更平聲。人謂宣子子尾

欺晉。晉胡受之。宣子曰：我欲得齊而遠其寵，寵將來乎？寵謂子尾。遠去聲。

○秋七月，鄭罕虎如晉，賀夫人，且告曰：楚人日徵敝邑，以不朝立王之故。楚靈王新立。敝邑之往，則畏執事。

其謂寡君而固有外心，其不往，則宋之盟云。云交進退罪也。寡君使虎布之。布陳也。宣子使叔向對曰：君若

辱有寡君，在楚何害？脩宋盟也。君苟思盟，寡君乃知免於戾矣。君若不有寡君，雖朝夕辱於敝邑，寡

君猜焉。猜疑也。君實有心，何辱命焉？言若有事晉心，至楚可不須告。君其往

也。苟有寡君，在楚猶在晉也。張趯使謂大叔曰：自

子之歸也。歸在此年春。小人糞除先人之敝廬，曰：子其將

來。今子皮實來，小人失望。大叔曰：吉賤不獲來。賤非上卿。

畏大國，尊夫人也。且孟曰：而將無事，吉庶幾焉。孟張趨也。

庶幾如趨言。

○小邾穆公來朝，季武子欲卑之。不欲以諸侯禮待之。穆叔曰：

不可。曹滕二邾，實不忘我好，敬以逆之，猶懼其貳。

又卑一睦焉。一睦謂小邾。逆羣好也，其如舊而加敬焉。志

曰：能敬無災。又曰：敬逆來者，天所福也。季孫從之。

○八月大雩旱也

○齊侯田於菑菑齊東竟盧蒲癸見泣且請曰余髮如此

種種余奚能為癸慶封之黨襄二十八年放之於竟種種短也公曰

諾吾告二子二子子子雅子尾歸而告之子尾欲復之子雅不

可曰彼其髮短而心甚長其或寢處我矣言不可信九月

子雅放盧蒲癸于北燕恐其復作亂

○燕簡公多嬖寵欲去諸大夫而立其寵人冬燕

大夫比以殺公之外嬖比相親比比毗志反公懼奔齊書曰北

燕伯欵出奔齊罪之也欵罪輕於衛衍重於蔡朱故舉中示例按國君出書出奔春秋之常例

○十月鄭伯如楚子產相楚子享之賦吉日吉日詩小雅宣

王田獵之詩楚王欲與鄭伯共田故賦之既享子產乃具田備王以田江南之

夢楚之雲夢跨江南北

○齊公孫竈卒竈子雅司馬竈見晏子司馬竈齊大夫曰又喪

子雅矣晏子曰惜也子旗不免殆哉以其不臣○子旗子雅子其父既死必不免於危

姜族弱矣而媯將始昌媯陳氏○媯九危反二惠競爽猶

可子雅子尾皆齊惠公之孫也競彊也爽明也又弱一个焉姜其危哉○个古賀反

春秋左傳杜注卷第二十

春秋左傳杜注卷二十

三

春秋左傳杜注卷第二十一

華亭姚培謙學

昭公

經四年春王正月大雨雹

當雪而雹故以為災而書之。雨去聲。雹蒲學反。

○夏楚

子蔡侯陳侯鄭伯許男徐子滕子頓子胡子沈子

小邾子宋世子佐淮夷會于申

楚靈王始合諸侯

楚人執徐

子

稱人以執以不道於其民告。劉氏敞曰。稱人以執者非霸討也。

○秋七月楚子蔡侯陳侯

許男頓子胡子沈子淮夷伐吳

因申會以伐吳不言諸侯者。鄭徐滕小邾宋不在故也。胡

國汝陰縣西北有胡城。汝陰縣今江南潁州是也。

執齊慶封殺之

楚子欲行霸為齊討慶封故稱齊

遂滅

賴○九月取鄆鄆昔邑傳例曰克邑不用師徒曰取○冬十有二月乙卯

叔孫豹卒

傳四年春王正月許男如楚楚子止之欲與俱田遂止鄭

伯復田江南許男與焉前年楚子已與鄭伯田江南故言復使椒舉如晉

求諸侯二君待之二君鄭許椒舉致命曰寡君使舉曰日

君有惠賜盟于宋宋盟在襄二十七年曰晉楚之從交相見也

以歲之不易不易言有難易以豉反寡人願結驪於二三君欲得諸侯謀事

補闕使舉請閒君若苟無四方之虞虞度也音開則願假

寵以請於諸侯欲借君之威寵以致諸侯晉侯欲勿許司馬侯曰不

可楚王方侈天或者欲逞其心以厚其毒而降之

罰未可知也其使能終亦未可知也晉楚唯天所

相相助也不可與爭君其許之而脩德以待其歸若歸

於德吾猶將事之况諸侯乎若適淫虐楚將弃之

弃不以為君吾又誰與爭公曰晉有三不殆其何敵之有

殆危也國險而多馬齊楚多難多篡弒之難有是三者何鄉而

不濟去聲對曰恃險與馬而虞鄰國之難是三殆也

四嶽東嶽岱西嶽華南嶽衡北嶽恒三塗在河南陸渾縣南○三塗山在今河南河南府嵩縣陽城在陽城縣東

府登封縣北三十八里俗名車嶺山是也大室在河南陽城縣西南○大音泰○嵩高三十六峰東曰大室西曰少室今嵩高山在登封縣北十里

荆山 在新城沔鄉縣南。沔音市。今在湖廣襄陽府南漳縣西南。 中南 在始平武功縣南。亦作終南。今在陝西西安府長安縣南五十里。

九州之險也。是不一姓。雖是天下至險。無德則滅亡。 冀之北土。燕代。 馬

之所生。無與國焉。恃險與馬。不可以為固也。從古

以然。是以先王務脩德音。以亨神人。亨通也。 不聞其務

險與馬也。鄰國之難。不可虞也。或多難以固其國。

啟其疆土。或無難以喪其國。失其守宇。於國則四垂為宇。 若

何虞難。齊有仲孫之難。而獲桓公。至今賴之。仲孫公孫無知。

事在莊九年。 晉有里平之難。而獲文公。是以為盟主。里克平鄭事在

僖九年。 衛邢無難。敵亦喪之。閔二年。狄滅衛。僖二十五年。衛滅邢。 故人之難。不

可虞也。恃此三者。而不脩政德。亡於不暇。又何能

濟。君其許之。紂作淫虐。文王惠和。殷是以隕。周是

以興。夫豈爭諸侯。乃許楚使。使叔向對曰。寡君有

社稷之事。是以不獲。春秋時見。言不得自往。謙辭。見音現。 諸侯。君

實有之。何辱命焉。椒舉遂請昏。蓋楚子遣舉。時兼使求昏。 晉侯許之。

楚子問於子產。時子產從鄭簡公在楚。 曰。晉其許我諸侯乎。對曰。

許君。晉君少安。不在諸侯。安於少小。不能遠圖。少安猶言少惰。 其大夫多

求。貪也。 莫匡其君。在宋之盟。又曰。如一。晉楚同也。 若不許君。

將焉用之。馬用。宋盟。 王曰。諸侯其來乎。對曰。必來。從宋之

盟承君之歡不畏大國大國晉也何故不來不來者其魯

衛曹邾乎曹畏宋邾畏魯魯衛偏於齊而親於晉

唯是不來其餘君之所及也誰敢不至言楚威力所能及王

曰然則吾所求者無不可乎對曰求逞於人不可

逞快也求人以快意人必違之與人同欲盡濟為下會申傳

○大雨雹季武子問於申豐曰雹可禦乎禦止也申豐魯大夫

對曰聖人在上無雹雖有不為災古者日在北陸

而藏冰陸道也謂夏十二月日在虛危冰堅而藏之西陸朝覲而出之謂夏三月日在昴畢蟄蟲

出而用冰春分之中奎星朝見東方○孔疏釋例云北陸虛也西陸昴也孫炎云陸中也北方之宿虛為中西方之宿昴為中彼以陸為中杜以陸為道

者宿是日行之道爾雅高平曰陸高平是道路之處故以陸為道也又曰覲見也西道之宿有星朝見者於是而出之謂奎星晨見而出冰也其

藏冰也浚山窮谷固陰沍寒於是乎取之沍閉也必取積陰之冰所

以道達其氣使不為災○沍與互通周禮鼈人掌互物鄭注龜鼈有甲滿胡是沍為閉也其出之也朝之祿位

賓食喪祭於是乎用之言不獨其公其藏之也黑牡秬黍

以享司寒黑牡黑牲也秬黑黍也司寒玄冥北方之神故物皆用黑有事於冰故祭其神其出之也桃

弧棘矢以除其災桃弓棘箭所以禳除凶邪將御至尊故其出入也時食肉

之祿冰皆與焉食肉之祿謂在朝廷治其職事就官食者○與音預孔疏在官治事官皆給食大夫以上食乃有肉故

魯人謂曹邾曰肉食者謀之又說子雅子尾之食云公膳日雙雞是大夫得食肉也傳言食肉之祿祿即此肉是也明在官之食有冰下云自命夫命婦無不受冰謂賜之冰大夫命婦喪浴用冰命婦大夫祭寒而藏

受以歸在家用之

之享司獻羔而啓之謂二月春分獻羔祭非始開冰室公始用之公先用火

出而畢賦火星昏見東方謂三月四月中周禮夏頒冰自命夫命婦至於老疾

無不受冰老致仕在家者山人取之縣人傳之山人虞官縣人遂屬

而以風出順春風而散用其藏之也周周密其用之也徧及老疾則

冬無愆陽愆過也謂冬温夏無伏陰伏陰謂夏寒春無淒風淒寒也秋無

苦雨霖雨為人雷出不震震霆也無蓄霜雹癘疾不降

民不夭札夭折為天今藏川池之冰弃而不用既不

風不越而殺雷不發而震越散也言陰陽失序雷風為害

卒章藏冰之道也七月詩幽風卒章曰二之日鑿冰沖沖謂十二月鑿而取之三之日納于凌陰凌陰冰室也四

之日其蚤獻羔祭非謂二月春分蚤開冰室以薦宗廟○凌陵證反

○夏諸侯如楚魯衛曹邾不會曹邾辭以難公辭

以時祭衛侯辭以疾如子鄭伯先待于申自楚先六月

丙午楚子合諸侯于申椒舉言於楚子曰臣聞諸

侯無歸禮以為歸今君始得諸侯其慎禮矣霸之

濟否在此會也夏啓有鈞臺之享啓禹子河南陽翟縣南有鈞臺陂蓋啓享諸侯

於此○金置鈞州以鈞臺得名今河南開封府禹州是也州城北關外有鈞臺遺址

商湯有景亳之命河南鞏縣

昭公

五

○風不以理舒散而暴疾殺物雷不徐緩動發而震擊為害

電之為蓄誰能禦之七月之

○風不以理舒散而暴疾殺物雷不徐緩動發而震擊為害

○風不以理舒散而暴疾殺物雷不徐緩動發而震擊為害

西南有湯亭。或言亳。即偃師。今河南府偃師縣南二十里。有景山。史記正義曰。湯即位。徙西亳。西亳。即偃師也。**周武有孟津**

之誓將伐紂也**成有岐陽之蒐**成王歸自奄。大蒐於岐山之陽。岐山在扶風。美陽縣西北。美陽在今武功縣境。

屬西**康有鄆宮之朝**鄆在始平鄆縣東。有靈臺。康王於安府。是朝諸侯。今鄆縣屬西安府。**穆有塗**

山之會穆王會諸侯於塗山。塗山在壽春東北。今塗山在江南鳳陽府懷遠縣東南八里。**齊桓有召陵**

之師在僖四年**晉文有踐土之盟**在僖二十八年**君其何用。宋向戌**

鄭公孫僑在。諸侯之良也。君其選焉。選擇所用。向舒亮反。戌音恤。**王**

曰。吾用齊桓。用會召陵之禮。**王使問禮於左師與子產。左師**

曰。小國習之。大國用之。敢不薦聞。言所聞。謙示所未行。**獻公合**

諸侯之禮六。其禮六儀也。宋爵公。故獻公禮。**子產曰。小國共職。敢不薦**

守。獻伯子男會公之禮六。鄭伯爵。故獻伯子男會公之禮。其禮同所從言之異。共音恭。守去聲。

君子謂合左師善守先代。子產善相小國。王使椒

舉侍於後。以規過。規正二子之過。陸氏。舉曰。規正會禮之失。**卒事不規。王問**

其故。對曰。禮吾未見者有六焉。又何以規。左師子產所獻六禮。楚皆

未嘗**行。宋犬子佐後至。王田於武城。久而弗見。椒舉請**

辭焉。請王辭謝之。**王使往曰。屬有宗祧之事於武城。**言為宗廟田獵

屬。章欲反適也。**寡君將墮幣焉。敢謝後見。**恨其後至。故言將因諸侯會。布幣乃相見。經并

書宋犬子佐。知此言在會前。墮許規反。傅氏遜曰。楚武城必有先君之廟。故田獵以祭。祭用幣畢。瘞之。故云墮幣也。恨其後至。託此為辭。**徐**

子吳出也。以為貳焉。故執諸申。言楚子以疑罪執諸侯。**楚子示諸**

侯侈自奢椒舉曰夫六王二公之事六王啓湯武成康穆也二公齊桓晉文皆

所以示諸侯禮也諸侯所由用命也夏桀為仍之

會有緡叛之仍緡皆國名○仍而承反緡亡巾反商紂為黎之蒐東夷叛

之黎東夷國名周幽為大室之盟戎狄叛之大室中嶽皆所以示

諸侯汰也諸侯所由弃命也今君以汰無乃不濟

乎王弗聽子產見左師曰吾不患楚矣汰而懷諫

不過十年左師曰然不十年侈其惡不遠遠惡

而後弃惡及遠方則人弃之善亦如之德遠而後興為十三年楚弑其君傳

○秋七月楚子以諸侯伐吳宋犬子鄭伯先歸經所以更

敘諸侯也時晉之屬國皆歸獨言二國者鄭伯久於楚宋犬子不得時見故慰遣之宋華費遂鄭大夫從從

使屈申圍朱方朱方吳邑齊慶封所封也屈申屈蕩之子八月甲

申克之執齊慶封而盡滅其族慶封以襄二十八年奔吳八月無甲申日誤將

戮慶封椒舉曰臣聞無瑕者可以戮人慶封唯逆

命是以此逆命謂性不恭順其肯從於戮乎言不肯默而從戮播於

諸侯焉用之播揚也王弗聽負之斧鉞以徇於諸侯使

言曰無或如齊慶封弑其君弱其孤以盟其大夫

齊崔杼弑君慶封其黨也故以弑君罪責之慶封曰無或如楚共王之庶子圍

弑其君兄之子麋而代之以盟諸侯王使速殺之

遂以諸侯滅賴。賴子面縛銜璧，士袒輿櫬從之。造

於中軍。中軍王所將王問諸椒，舉對曰：成王克許。在僖六年許僖

公如是。王親釋其縛，受其璧，焚其櫬。王從之。從舉言遷

賴於鄆。鄆楚邑楚子欲遷許於賴，使鬬韋龜與公子弃

疾城之而還。為許城也。韋龜子文之玄孫申無宇曰：楚禍之首，將在

此矣。召諸侯而來伐國，而克城，竟莫校。謂築城於外，竟諸侯無與爭

王心不違，民其居乎。言將有事，不得安也民之不處，其誰堪之。

不堪王命，乃禍亂也。

○九月，取鄆，言易也。莒亂，著邱公立而不撫鄆，鄆

叛而來，故曰取。凡克邑不用師，徒曰取。著邱公去疾也，不書奔者潰散

而來將帥微也，重發例者以通叛而自來。著直居反。

○鄭子產作邱賦。邱十六井，當出馬一匹，牛三頭。今子產別賦其田，如魯之田賦。田賦在哀十一年。賦，斂家資。

使出牛馬，又別賦其田，使之出粟也。國人謗之。謗，毀也。曰：其父死於路。謂子國為尉氏所殺。

己為蠆尾。謂子產重賦毒害百姓。蠆，救邁反。以令於國，國將若之。何子

寬以告。子寬，鄭大夫。子產曰：何害？苟利社稷，死生以之。以用也。

且吾聞為善者不改其度，故能有濟也。民不可逞，

度不可改。度，法也。詩曰：禮義不愆，何恤於人言。逸詩，子產自以為權制濟。

國於禮義無愆也。吾不遷矣。遷，移也。渾罕曰：國氏其先亡乎。渾罕，子寬君。

子作法於涼其敝猶貪也涼薄作法於貪敝將若之何

言不可久行姬在列者在列國也蔡及曹滕其先亡乎偪而無禮

蔡偏楚曹滕偏宋鄭先衛亡偪而無法偪晉政不率法而制於

心民各有心何上之有子產權時救急

○冬吳伐楚入棘櫟麻棘櫟麻皆楚東鄧邑譙國鄧縣東北有棘亭汝陰新蔡縣東北有櫟亭○今河南汝寧府新蔡縣北二十里有野櫟店即古櫟城也魏收志碭郡安陽縣治麻城今江南徐州府碭山縣有安陽城即古麻城以報朱

方之役朱方役在楚沈尹射奔命於夏汭夏汭漢水曲入江今夏口也吳

兵在東北楚盛兵在東南以絕其後○夏水冬竭夏流故謂之夏荆州記夏口入江處謂之夏汭蓋夏水之尾也漢末謂之夏口亦曰漢口亦曰汭口汭

之下流為漢夏水亦會三水共出此口也章懷太子曰夏口實在江北唐置鄂州而夏口之名移於江南沔水入江之口亦止謂漢口矣今在湖廣武昌

府江箴尹宜咎城鍾離宜咎本陳大夫襄二十四年奔楚還啓彊城巢然

丹城州來然丹鄭穆公孫襄十九年奔楚東國水不可以城彭生罷賴

之師彭生楚大夫罷關韋龜城賴之師

○初穆子去叔孫氏及庚宗成十六年辟僑如之難奔齊庚宗魯地○今山東兗州府泗水

而送之婦人聞而哭之適齊娶於國氏國氏齊正卿姜姓生孟丙仲壬

夢天壓已弗勝穆子夢也○勝音升下同顧而見人黑而上僂上僂肩

力主反偪深目而緘喙口象豬○緘音加喙許穢反號之曰牛助余乃

勝之旦而皆名其徒無之徒從且曰志之志識也○識申志反及

紆甫反

縣有庚宗亭

縣有庚宗亭

縣有庚宗亭

縣有庚宗亭

縣有庚宗亭

縣有庚宗亭

宣伯奔齊饋之

宣伯僑如穆子之兄成十六年奔齊穆子饋宣伯

宣伯曰魯以先子

之故

先子宣伯先人

將存吾宗必召女召女何如對曰願之

久矣

言兄始為亂已則有今日之願蓋忿言

魯人召之不告而歸既立在齊生孟丙仲

壬魯名之立為卿襄二年始見經

所宿庚宗之婦人獻以雉獻穆子問其姓

問有子否○女生曰姓姓謂子也

對曰余子長矣能奉雉而從我矣襄二年豎

牛五六歲○奉音捧

名而見之則所夢也未問其名號之曰牛

曰唯皆召其徒使視之遂使為豎

豎小臣也傳言從夢未必吉

有寵

長使為政

為家政

公孫明知叔孫於齊

公孫明齊大夫子明也與叔孫相親知歸

未逆國姜子明取之

國姜孟仲母○取七住反

故怒其子長而後使

逆之

子孟丙仲壬

田於邱薊

邱薊地名

遂遇疾焉豎牛欲亂其室

而有之強與孟盟不可

欲使從己孟不肯

叔孫為孟鐘曰爾

未際

際接也孟未與諸大夫相接見

饗大夫以落之

以殺豬血豐鐘曰落

既具饗禮具使

豎牛請日

請饗日

入弗謁

謁白也出命之日

詐命日

及賓至聞鐘

聲牛曰孟有北婦人之客

北婦人國姜也客謂公孫明

怒將往牛止

之賓出使拘而殺諸外

殺孟丙

牛又強與仲盟不可仲

與公御萊書觀於公

萊書公御士名仲與之私遊觀於公宮

公與之環賜玉環使

牛入示之

示叔孫

入不示出命佩之牛謂叔孫見仲而

何

而何如何○見音現下同

叔孫曰何為

性牛言

曰不見既自見矣言仲已自往見

公與之環而佩之矣。遂逐之。奔齊。疾急。命名仲牛。

許而不名。杜洩見告之。飢渴授之。戈。杜洩叔孫氏宰也。牛不食叔孫叔孫怒欲

使杜洩殺之。○洩息列反。對曰。求之而至。又何去焉。言求食可得無為去豎牛。蓋杜洩力不能去。設

辭以豎牛曰。夫子疾病。不欲見人。使寘饋于个而退。

寘置也。个。東西廂。牛弗進。則置虛命徹。寫器令空。示若叔孫已食命去之。十二月

癸丑。叔孫不食。乙卯。卒。三日絕糧。牛立昭子而相之。昭子豹之庶子。

叔孫姑也。○姑。叔孫姑也。○姑。叔孫姑也。○姑。叔孫姑也。公使杜洩葬叔孫。豎牛賂叔仲昭子與南

遺。昭子叔仲帶也。南遺季氏家臣。使惡杜洩於季孫而去之。憎洩不與己同志。杜

洩將以路葬。且盡卿禮。路。王所賜叔孫車。南遺謂季孫曰。叔

孫未乘路。葬焉用之。且冢卿無路。介卿以葬。不亦

左乎。冢卿。謂季孫介。次也。左。不便。季孫曰。然。使杜洩舍路。舍。置也。不可。曰。

夫子受命於朝。而聘于王。在襄二十四年。夫子謂叔孫。王思舊勲。而

賜之路。感其有禮。以念其先人。復命而致之君。豹不敢自乘。君不敢逆王

命。而復賜之。使三官書之。吾子為司徒。實書名。謂季孫也。

書名定位號。夫子為司馬。與工正書服。謂叔孫也。服。車服之器。工正所書。孟孫

為司空。以書勲。勲。功也。今死而弗以。是弃君命也。書在

公府。而弗以。是廢三官也。若命服。生弗敢服。死又

不以。將焉用之。乃使以葬。季孫謀去中軍。豎牛曰。

夫子固欲去之誣叔孫以媚季孫

經五年春王正月舍中軍襄十一年始立中軍○楚殺其大夫

屈申書名罪之○季氏本曰非其罪故不去其大夫○公如晉○夏莒牟夷以牟

婁及防茲來奔城陽平昌縣西南有防亭姑幕縣東北有茲亭○今平昌故城在安邱縣西南六十里諸城縣西北

有姑幕故城茲亭在其境俱屬山東青州府○秋七月公至自晉○戊辰叔弓

帥師敗莒師于蚡泉蚡泉魯地○蚡扶粉反○秦伯卒無傳不書名未同盟○家氏鉉

翁曰史失其名春秋因之○冬楚子蔡侯陳侯許男頓子沈子徐人

越人伐吳

傳五年春王正月舍中軍卑公室也罷中軍季孫稱左師孟氏稱右師叔孫氏

則自以叔孫為軍名○孔疏襄十一年初作三軍十二分其國民三家得七公得五國民不盡屬公公室已是卑矣今舍中軍四分公室三家自取其稅減已稅以貢於公國民不復屬於公公室彌益卑矣又曰不云舍三軍者唯舍中軍之眾屬上下二軍其上下二軍依舊不動故唯云舍中軍也劉炫云四分公室制法別耳還作三軍不得言舍三軍

毀中軍于施氏成諸臧氏季孫不欲親其議敕二家會諸

大夫發毀置之計又取其令名初作中軍三分公室而各有其一三家各有一軍

屬季氏盡征之無所入於公叔孫氏臣其子弟以父兄歸公孟氏

取其半焉復以子弟之半歸公○孔疏叔孫氏臣其子弟明其更有父兄以一家之內有此四品叔孫氏則以父兄之稅入公子弟之稅

入已若總計父兄之數不足以子弟添父兄若子弟不足以父兄添子弟大率半屬於已也孟氏則於子弟之中而取其半於一家之內或取其子或取其弟

大率而言三分歸公一分入已也及其舍之也四分公室季氏擇二簡擇取二分

二子各一皆盡征之而貢于公國人盡屬三家三家隨時獻公而已以書

使杜洩告於殯告叔孫之柩曰子固欲毀中軍既毀之矣

故告杜洩曰夫子唯不欲毀也故盟諸僖闕詛諸

五父之衢皆在襄十一年受其書而投之投擲也帥士而哭之痛叔孫之

見誣叔仲子謂季孫曰帶受命於子叔孫曰葬鮮者

自西門不以壽終為鮮西門非魯朝正門○鮮上聲孔疏名之為鮮言年命鮮少也季孫命杜洩命使從西

門杜洩曰卿喪自朝魯禮也從生存朝觀之正路○蓋以西門幽辟故欲從正路而出南門吾

子為國政未改禮而又遷之遷易也羣臣懼死不敢自

也自從也既葬而行善杜洩能辟禍仲至自齊聞喪而來季孫欲立之南

遺曰叔孫氏厚則季氏薄彼實家亂子勿與知不

亦可乎南遺使國人助豎牛以攻諸大庫之庭攻仲壬也

魯城內有大庭氏之虛於其上作庫司官射之中目而死豎牛取東鄙三

十邑以與南遺取叔孫氏邑○射音石昭子即位朝其家眾曰豎

牛禍叔孫氏使亂大從使從於亂○服氏虔曰使亂大和順之道殺適立庶又

披其邑將以赦罪披析也謂以邑與南遺昭子不知豎牛餓殺其父故但言其見罪罪莫大焉

必速殺之豎牛懼奔齊孟仲之子殺諸塞關之外

齊魯界上關○塞悉代反投其首於寧風之棘上寧風齊地仲尼曰叔孫昭

子之不勞不可能也不以立己為功勞據其所言善之時魯人不以餓死語昭子周任有

言曰為政者不賞私勞不罰私怨詩云有覺德行

四國順之

詩大雅覺直也言德行直則四方順從之。任音壬。初穆子之生也。莊叔以

周易筮之

莊叔穆子父得臣也。遇明夷三三。離下坤上明夷之謙三三。坤上

謙明夷初九變為謙

以示卜楚邱曰是將行行出而歸為子

祀奉祭

以讒人入其名曰牛卒以餒死明夷日也離為日夷

傷也日

日之數十甲至故有十時亦當十位自王已下

其二為公其三為卿

日中當王食時當公平日為卿雞鳴為士夜半為阜人定為輿黃昏為隸日入為僚晡時

為僕日昃為臺隅中日出闕不在策尊王公曠其位。晡布吳反昃由結反

日上其中日中盛明故以當王食日

為二公旦日為三

卿明夷之謙明而未融其當旦

乎

融朗也離在坤下日在地中之象又變為謙謙道卑退故曰明而未融故曰其當旦乎故曰為子祀

莊叔卿也下豹為卿故知為子祀

日之謙當鳥故曰明夷于飛離為日為鳥

光不足故當鳥鳥飛行故曰于飛

明而未融故曰垂其翼於日為未融象日

之動故曰君子于行

明夷初九得位有應君子象也在明傷之世居謙下之位故將辟難而行當三

在旦故曰三日不食

旦位在三又非食時故曰三日不食離火也艮山也

離為火火焚山山敗

離艮合體故於人為言艮為言。孔疏說卦云成言乎艮故艮為

言敗言為讒

為離所焚故言敗故曰有攸往主人有言言必

讒也

離變為艮故言有所往往而見燒故主人有言言而見敗故必讒言純離為牛易離上離下離畜牝牛吉故言純離為牛

世亂讒勝勝將適離故曰其名曰牛

離焚山則離勝譬世亂則讒勝山焚則離

獨存故知名牛也豎牛非牝牛故不吉

謙不足飛不翔謙道冲退故飛不遠翔垂不峻翼不

廣峻高也翼垂下故曰其為子後乎不遠翔故吾子亞卿

也抑少不終旦日正卿之位莊叔父子世為亞卿位不足以終盡卦體蓋引而致之

○楚子以屈申為貳於吳乃殺之造生以屈生為莫

敖生屈使與令尹子蕩如晉逆女過鄭鄭伯勞子蕩

于汜勞屈生于菟氏汜菟氏皆鄭地○汜扶巖反菟大胡反○寰宇記菟氏城在河南開封府尉氏縣西北四

里十晉侯送女于邢邱子產相鄭伯會晉侯于邢邱傳

楚強諸侯畏敬其使

○公如晉即位而往見自郊勞至于贈賄往有郊勞去有贈賄無失禮

揖讓之禮晉侯謂女叔齊曰魯侯不亦善於禮乎對曰魯

侯焉知禮公曰何為自郊勞至于贈賄禮無違者

何故不知對曰是儀也不可謂禮禮所以守其國

行其政令無失其民者也今政令在家在大不能取

也有子家羈弗能用也羈莊公立孫懿伯也奸大國之盟陵虐

小國謂伐莒取鄆○奸音干利人之難謂往年莒亂而取鄆不知其私不自知有私難公

室四分民食於他他謂三家也言魯君與民無異言言公如民然求食於他也思莫在公

不圖其終無為公謀終始者○思去聲為國君難將及身不恤其所

禮之本末將於此乎在在恤民與憂國而屑屑焉習儀以亟

言以習儀為急言善於禮不亦遠乎君子謂叔侯於是乎知

禮時晉侯亦失政。叔齊以此諷諫。

○晉韓宣子如楚送女。叔向為介。鄭子皮子犬叔

勞諸索氏。

河南城皋縣東有大索城。今滎陽東北三十里有京城。大索城在京城西二十里。其東北四十里為小索城。屬開封府。

犬

叔謂叔向曰。楚王汰侈已甚。子其戒之。叔向曰。汰

侈已甚。身之災也。焉能及人。若奉吾幣帛。慎吾威

儀。守之以信。行之以禮。敬始而思終。終無不復。事皆可復。

行從而失儀。從順也。敬而不失威。道之以訓辭。奉之

以舊法。考之以先王。以先王之禮成其好。度之以二國。度晉楚之勢而行之。雖

汰侈。若我何。及楚楚子朝其大夫曰。晉吾仇敵也。

苟得志焉。無恤其他。今其來者。上卿上大夫也。若

吾以韓起為閹。刑足使守門。以羊舌肸為司宮。加官刑。足以辱

晉。吾亦得志矣。可乎。大夫莫對。遠啓彊曰。可。苟有

其備。何故不可。恥匹夫不可以無備。况恥國乎。是

以聖王務行禮。不求恥人。朝聘有珪。珪以信為信。享頰有璋

享饗也。頰見也。既朝聘而享見也。臣為君使執璋。頰他。弔反。孔疏謂主國設酒食以饗賓。賓則執璋以行禮也。小有述職。諸侯

適天子曰述職。大有巡功。天子巡守曰巡功。設机而不倚。爵盈而不飲

言務行禮。宴有好貨。宴飲以貨為好。衣服車馬在客所無。好去聲。殮有陪鼎。熟食為殮。陪加也。加鼎所以厚

殷勤。入有郊勞。賓至逆勞之於郊。出有贈賄。去則贈之以貨賄。禮之至

殮音孫。

也。國家之敗，失之道也。則禍亂興。失朝聘宴好之道城濮之

役。在僖二十八年晉無楚備，以敗於邲。在宣十二年言兵禍始於城濮邲之役，楚

無晉備，以敗於鄢。在成十六年自鄢以來，晉不失備，而加

之以禮，重之以睦。君臣和也是以楚弗能報，而求親焉。既

獲姻親，又欲恥之，以召寇讎，備之若何？言何以為備誰其

重此？言怨重若有其人，恥之可也。謂有賢人以敵晉則可恥之若其未有

君，亦圖之。晉之事君，臣曰可矣。求諸侯而麇至。麇，羣也。

也。麇，邱隕反。求昏而薦女。薦，進也。君親送之。上卿及上大夫致

之，猶欲恥之。君其亦有備矣。不然，奈何？韓起之下

趙成中行，吳魏舒、范鞅、知盈。五卿位在韓起之下，皆三軍之將佐也。成，趙武之子。吳，荀偃之

子羊舌肸之下。祁午、張趯、籍談、女齊、梁丙、張骼、輔

躒、苗賁、皇皆諸侯之選也。言非凡人。駱古百反。躒，力狄反。賁音粉。選去聲。韓襄為

公族大夫，韓須受命而使矣。襄，韓無忌子也。為公族大夫，須起之門子。年雖幼，已任出使。

使去聲箕襄、邢帶。二人韓氏族。食邑於箕邢。叔禽、叔椒、子羽。皆韓起庶子。皆大

家也。韓賦七邑，皆成縣也。成縣，賦百乘也。羊舌四族皆彊家

也。四族，銅鞮、伯華、叔向、叔魚、叔虎、叔第四人。叔虎雖死，其族猶在。晉人若喪韓起、楊肸、五卿

八大夫。五卿，趙成以下。八大夫，祁午以下。叔向，本羊舌氏。食采於楊故，又號楊肸。輔韓須、楊石。石，叔向子。

食我也。因其十家九縣。韓氏七、羊舌氏四，而言十家，舉大數也。羊舌四家，共二縣，故但言彊家。孔疏，哀二

春秋傳上卷三 昭公 聖傳

年傳曰上大夫受縣論語云百乘之家家即縣也

長轂九百

長轂戎車也縣百乘

其餘四十縣遺

守四千

計遺守國者尚有四千乘

奮其武怒以報其大恥伯華謀之

伯華叔向兄

中行伯魏舒帥之

伯中行吳

其蔑不濟矣君將以親

易怨

失婚姻之親

實無禮以速寇而未有其備使羣臣往

遺之禽以逞君心何不可之有王曰不穀之過也

大夫無辱

謝遠啓疆遺唯季反

厚為韓子禮王欲敖叔向以其

所不知而不能

言叔向之多知

亦厚其禮韓起反鄭伯勞諸

圍

圍鄭地名今圍城鎮在開封府杞縣南五十里

辭不敢見禮也

奉使君命未反故

○鄭罕虎如齊娶於子尾氏

自為逆也

晏子驟見之陳桓

子問其故對曰能用善人民之主也

謂授子產政

○夏莒牟夷以牟婁及防茲來奔牟夷非卿而書

尊地也

尊重也重地故書以名其人終為不義

莒人愬于晉

愬魯受牟夷

晉侯欲止

公范獻子曰不可人朝而執之誘也討不以師而

誘以成之惰也為盟主而犯此二者無乃不可乎

請歸之閒而以師討焉

閒暇也閒音閑

乃歸公秋七月公

至自晉莒人來討

討受牟夷

不設備戊辰叔弓敗諸蚡泉

莒未陳也

嫌君臣異故重發例

○冬十月楚子以諸侯及東夷伐吳以報棘櫟麻

之役役在四年遠射以繁揚之師會於夏汭會楚子越大夫常

壽過帥師會楚子于瑣瑣楚地○當在今江南壽州霍邱縣東過平聲聞吳師出

遠啓彊帥師從之從吳師也遽不設備吳人敗諸鵲岸盧江舒縣

有鵲尾渚○今江南太平府繁昌縣西南大江中有鵲洲蓋自銅陵鵲頭山至三山為鵲尾故江曰鵲江岸曰鵲岸楚子以駟至

於羅汭駟傳也羅水名吳子使其弟蹇由犒師犒勞○蹇居衛反楚人

執之將以覺鼓王使問焉曰女卜來吉乎對曰吉

寡君聞君將治兵於敝邑卜之以守龜曰余亟使

人犒師請行以觀王怒之疾徐而為之備尚克知

之言吳令龜如此○亟紀力反龜兆告吉曰克可知也君若驩焉好

逆使臣茲敝邑休怠休解也○好去聲而忘其死亡無日矣

今君奮馬震電馮怒馮盛也○馮皮冰反虐執使臣將以覺鼓

則吳知所備矣敝邑雖羸若早脩完完器備其可以息

師息楚師之師難易有備可謂吉矣且吳社稷是卜豈為一

人使臣獲覺軍鼓而敝邑知備以禦不虞其為吉

孰大焉國之守龜其何事不卜言常卜○豈為于偽反一臧一否

其誰能常之城濮之兆其報在邲城濮戰楚卜吉其效乃在邲○否悲矣反今

此行也其庸有報志言吳有報楚意乃弗殺楚師濟於羅汭

沈尹赤會楚子次於萊山遠射帥繁揚之師先入

南懷楚師從之及汝清南懷汝清皆楚界應在今江淮間吳不可入有備

楚子遂觀兵於坻箕之山觀示也。坻直夷反。今江南無為州巢縣南三十七里有踟躕山輿地志以為即坻箕山也是行也吳早設備楚無功而還以蹶由歸

楚子懼吳使沈尹射待命于巢遂啓彊待命于雩

婁禮也善有備

○秦后子復歸於秦元年奔晉景公卒故也終五稔之言

經六年春王正月杞伯益姑卒再同盟○葬秦景公○

夏季孫宿如晉○葬杞文公無傳○宋華合比出奔

衛合比事君不以道自取奔亡書名罪之。許氏翰曰經書宋公殺其世子痤宋華合比出奔衛皆著寺人讒慝敗國以為世戒○秋

九月大雩○楚薳罷帥師伐吳○冬叔弓如楚○齊侯伐北燕

傳六年春王正月杞文公卒弔如同盟禮也魯怨杞其田而今不廢喪紀故禮之大夫如秦葬景公禮也合先王士弔大夫送葬之禮

○三月鄭人鑄刑書鑄刑書於鼎以為國之常法叔向使詒子產書詒遺也。遺去聲曰始吾有虞於子虞度也言準度子產以為已法今則已矣已止也

昔先王議事以制不為刑辟懼民之有爭心也臨事制刑

不豫設法也法豫設則民知爭端。辟婢亦反下同。孔疏伊訓云制官刑做于有位又穆王命呂侯作呂刑皆是豫制刑矣而云臨事制刑不豫設法者聖王雖制刑法舉其大綱但共犯一法情有淺深或輕而難原或重而可恕聽其時事議其重輕雖依準舊條而斷有出入不豫設定法告示下民令不測

其淺深常畏威而懼罪也。今鄭鑄之於鼎，以章示下民，亦既示民，即為定法。民有所犯，依法而斷，設令情有可恕，不敢曲法以矜之。罪實難原，不得違制以入之法。既豫定，民皆先知，於是倚公法以展私情，附輕刑而犯大惡，是無所忌而起爭端也。猶不可禁禦，是故開

之以義開防也，糾之以政糾舉也，行之以禮，守之以信，奉之

以仁奉養也，制為祿位，以勸其從勸從教，嚴斷刑罰，以威其

淫淫放也，懼其未也，故誨之以忠，聳之以行聳懼也。○行去聲。孔疏：行善得

善行，惡得惡，舉善惡之行，以恐懼之。教之以務時所急。○時之所急，民或不，使之以

和說以，臨之以敬，涖之以彊施之於事為涖，斷之以剛義斷恩，猶求

聖哲之上，明察之官上公王也。官，卿大夫也，忠信之長，慈惠之師。

民於是乎可任使也，而不生禍亂。民知有辟，則不

忌於上權移於法故，竝有爭心，以徵於書，而徵幸以成

之因危文以生爭，緣徽幸以成其巧偽。○孔疏：法之設文有限，民之犯罪無窮。為法立文，不能網羅諸罪，民之所犯，不必正與法同，自然有危疑之理。

因此危文以生，與上爭罪之心，緣徽幸以成其巧偽，將有實罪而獲免者也。弗可為矣為治也。夏有亂政

而作禹刑，商有亂政而作湯刑夏商之亂，著禹湯之法，言不能議事以制。周有

亂政而作九刑周之衰，亦為刑書，謂之九刑。三辟之興，皆叔世也言刑書不

起於始盛之世。今吾子相鄭國，作封洫在襄三，立謗政作邱賦，制

參辟，鑄刑書制參辟，謂用三代之末法，將以靖民，不亦難乎？詩曰：儀

式刑文王之德，日靖四方詩頌言文王以德為儀式，故能日有安靖四方之功。刑法也。又

曰：儀刑文王，萬邦作孚詩大雅言文王作儀法，為天下所信孚，信也。如是，何辟

之有言詩唯以德與信不以刑也民知爭端矣將弃禮而徵於書以刑書為

徵○孔疏端謂本也今鑄鼎示民則民知爭罪之本在於刑書矣制禮以為民則作書以防民罪違禮之愆非刑書所禁故民將弃禮而取徵驗於書也

錐刀之末將盡爭之錐刀末喻小事亂獄滋豐賄賂竝行終

子之世鄭其敗乎胥聞之國將亡必多制數改法其此

之謂乎復書曰若吾子之言復報也○若如也誠如吾子之言也僑不才

不能及子孫吾以救世也既不承命敢忘大惠以見箴戒

為士文伯曰火見鄭其火乎火心星周五月昏見○見音現火未出而

作火以鑄刑器刑器鼎也藏爭辟焉○作刑書以示民教民使爭罪故謂之爭辟火如

象之不火何為象類也同氣相求火未出而用火相感而致災

○夏季孫宿如晉拜莒田也謝前年受牟夷田不見討晉侯享之有

加籩籩豆之數多於常禮武子退使行人告曰小國之事大國

也苟免於討不敢求貺貺賜也得貺不過三獻周禮大夫三獻今

豆有加下臣弗堪無乃戾也懼以不堪為罪韓宣子曰寡君

以為驩也以加禮致驩心對曰寡君猶未敢未敢當此加也况下臣君

之隸也敢聞加貺固請徹加而後卒事晉人以為

知禮重其好貨宴好之貨

○宋寺人柳有寵有寵於平公太子佐惡之華合比曰我

殺之欲以求媚犬子柳聞之乃坎用牲埋書詐為盟處而告公曰合

比將納亡人之族

亡人華臣也襄十七年奔衛

既盟于北郭矣公使

視之有焉遂逐華合比合比奔衛於是華亥欲代

右師

亥合比弟欲得合比處

乃與寺人柳比從為之徵曰聞之久

矣

聞合比欲納華臣柳比毗志反

公使代之代合比為右師見於左師左師

曰女夫也必亡

夫謂華夷

女喪而宗室於人何有人亦於

女何有

言人亦不能愛女

詩曰宗子維城毋俾城壞毋獨斯

畏

詩大雅言宗子之固若城俾使也

女其畏哉

為二十年華亥出奔傳

○六月丙戌鄭災

終士文伯之言

○楚公子弃疾如晉報韓子也

報前年送女

過鄭鄭罕虎

公孫僑游吉從鄭伯以勞諸相辭不敢見

不敢當國君之勞相鄭地

音查

固請見之見如見王

見鄭伯如見楚王言弃疾共而有禮

以其乘馬八

匹私面

私見鄭伯乘去聲

見子皮如上卿

如見楚卿

以馬六匹見子

產以馬四匹見子大叔以馬二匹

降殺以兩

禁芻牧採樵

不入田

不犯田種

不樵樹不采蕪

蕪種也

不抽屋不強匄誓曰

有犯命者君子廢小人降

君子則廢黜不得居位小人則退給下劇也○抽裂也

舍不

為暴主不恩賓

恩惠也

往來如是鄭三卿皆知其將為

王也

三卿罕虎公孫僑游吉

韓宣子之適楚也楚人弗逆公子弃

疾及晉竟晉侯將亦弗逆叔向曰楚辟我衷

辟邪也衷正也

○辟亦反匹 若何效辟。詩曰：爾之教矣。民胥效矣。詩小雅言上教下效

從我而已。焉用效人之辟。書曰：聖作則逸書則法也無寧

以善人為則無寧寧也而則人之辟乎。匹夫為善，民猶則

之。况國君乎。晉侯說，乃逆之。傳言叔向知禮

○秋九月，大雩，旱也。

○徐儀楚聘于楚。儀楚徐大夫楚子執之，逃歸，懼其叛也。

使遠洩伐徐。遠洩楚大夫吳人救之，令尹子蕩帥師伐吳。

師于豫章，而次于乾谿。乾谿在譙國城父縣南，楚東竟。○豫章當在江北淮水南，今江南鳳陽府亳州。

東南有乾谿，與城父村相近，即漢之城父縣也。吳人敗其師於房鍾。房鍾，吳地。○當在鳳陽府壽州蒙城縣界。

獲宮廐尹弃疾。鬬韋龜之父子蕩歸罪於遠洩而殺之。歸罪於遠洩，不以敗告，故不書。

洩不以敗告，故不書。

○冬，叔弓如楚聘，且弔敗也。弔為吳所敗

○十一月，齊侯如晉，請伐北燕也。告盟主士匄相士鞅

逆諸河禮也。士匄，晉大夫，相為介，得敬逆來者之禮。○陸氏練明曰：古本士匄作王正，士匄是范宣子，即士鞅之父，不應取其父同姓名人以為介，依王正為是也。

晉侯許之。十二月，齊侯遂伐北燕，將

納簡公。簡公，北燕伯，三年出奔齊。晏子曰：不入，燕有君矣。民不貳，吾

君賄，左右諂，諛作大事，不以信，未嘗可也。為明年暨齊平傳

經七年春，王正月，暨齊平。暨，與也。燕與齊平，前年冬，齊伐燕，閒無異事，故不重言燕從可知。

三月公如楚○叔孫婁如齊涖盟無傳公將遠適楚故叔孫如齊尋舊好○婁敕

反○夏四月甲辰朔日有食之○秋八月戊辰衛侯

惡卒元年大夫○九月公至自楚○冬十有一月癸

未季孫宿卒○十有二月癸亥葬衛襄公

傳七年春王正月暨齊平齊求之也齊伐燕燕人賂之反從求平如晏子言○

劉氏敞曰傳所云齊求之者似指齊求與魯為平也其下乃云癸巳齊侯次于燕燕人行成若齊已暨燕平無緣更進次號而燕乃行成且齊侯伐燕燕人賂

之則傳當云燕求之經當書暨燕平不當反云齊求之暨齊平也自昭公即位以來未嘗與齊通好此年二月叔孫婁如齊涖盟此則魯與齊平之驗

○癸巳齊侯次于號號燕竟○當在今直隸河間府滄州境燕人行成曰敝

邑知罪敢不聽命先君之敝器請以謝罪敝器瑤瓊玉櫝之屬

公孫皙曰受服而退侯魯而動可也皙齊大夫二月戊午

盟于濡上濡水出高陽縣東北至河間鄭縣入易水○宋分高陽地置順安軍金為安州元以後因之濡上當在今直隸安州任邱之

間鄭縣在今任邱縣境燕人歸燕姬嫁女與齊侯賂以瑤瓊玉櫝瑤玉也櫝價也瑯瑯耳玉爵○瑯古雅反○明堂位云爵夏后氏

克而還以瑯殷以瑯周以爵鄭云瑯畫禾稼也言耳者蓋以器旁有耳

若今之杯

○楚子之為令尹也為王旌以田析羽為旌王旌游至於軫○游音留○禮緯云

天子旗九刃曳地諸侯七刃齊軫大夫五刃齊較士三刃齊首芋尹無宇斷之曰一國兩君

其誰堪之及即位為章華之宮納亡人以實之章華南郡

華容縣○芋于付反斷音短○今湖廣荊州府監利縣東五里有華容城無宇之闖入焉有罪亡入無

字執之有司弗與王有司也曰執人於王宮其罪大矣執

而謁諸王執無字也王將飲酒遇其歡也無字辭曰天子經畧經營天下

畧有四海故曰經畧諸侯正封封疆有定分古之制也封畧之內何非

君土食土之毛誰非君臣毛草也○君者天子諸侯之總名故詩曰普

天之下莫非王土率土之濱莫非王臣詩小雅濱涯也天有

十日甲至癸人有十等王至臺下所以事上上所以共神也

故王臣公公臣大夫大夫臣士士臣阜阜臣輿輿

臣隸隸臣僚僚臣僕僕臣臺馬有圉牛有牧養馬曰圉養牛曰牧

以待百事今有司曰女胡執人於王宮將焉執

之周文王之法曰有亡荒閱荒大也閱蒐也有亡人當大蒐其眾所以得

天下也吾先君文王楚文王作僕區之法僕區刑書名○區鳥侯反○服氏虔曰僕

隱也區匿也為隱匿亡人之法也曰盜所隱器隱盜所得器與盜同罪所以封

汝也行善法故能啓疆北至汝水若從有司是無所執逃臣也逃而

舍之是無陪臺也言皆將逃王事無乃闕乎昔武王數紂

之罪以告諸侯曰紂為天下逋逃主萃淵藪萃集也天下逋

逃悉以紂為淵藪集而歸之故夫致死焉人欲致死討紂君王始求諸侯而則

紂無乃不可乎若以二文之法取之盜有所在矣

言王亦為盜王曰取而臣以往往去也盜有寵未可得也盜有寵王自謂

為葬靈
王張本
遂赦之
赦無字

○楚子成章華之臺願與諸侯落之
宮室始成祭之為落臺今在華容城內

大宰還啓彊曰臣能得魯侯還啓彊來召公辭曰

昔先君成公命我先大夫嬰齊曰吾不忘先君之

好將使衡父照臨楚國鎮撫其社稷以輯寧爾民

嬰齊受命于蜀蜀盟在成二年衡父公衡奉承以來弗敢失隕而致

諸宗祧言奉成公此語以告宗廟日我先君共王引領北望日月以

冀冀魯朝傳序相授於今四王矣四王共康邲嘉惠未至唯

襄公之辱臨我喪襄公二十八年如楚臨康王喪孤與其二三臣悼心

失圖在哀喪故社稷之不皇况能懷思君德皇暇也言有大喪多不暇今君

若步玉趾辱見寡君趾足也寵靈楚國以信蜀之役致

君之嘉惠是寡君既受貺矣何蜀之敢望言但欲使君來不敢

望如蜀復有質子其先君鬼神實嘉賴之豈唯寡君君若不

來使臣請問行期問魯見伐之期○使去聲寡君將承質幣而見于

蜀以請先君之貺請問也○質音致公將往夢襄公祖祖祭道神梓

慎曰君不果行襄公之適楚也夢周公祖而行今

襄公實祖君其不行子服惠伯曰行先君未嘗適

楚故周公祖以道之襄公適楚矣而祖以道君不

行何之三月公如楚鄭伯勞于師之梁鄭城門孟僖子

為介不能相儀僖子仲孫纘及楚不能答郊勞為下僖子病不能相

禮張本

○夏四月甲辰朔日有食之晉侯問於士文伯曰

誰將當日食對曰魯衛惡之受其凶惡衛大魯小公曰何

故對曰去衛地如魯地衛地豕韋也魯地降婁也日食於豕韋之末及降婁之始乃息故禍在衛大在

魯小周四月今二月故日在降婁○周禮保章氏以星土辨九州之地鄭注寅析木燕也卯大火宋也辰壽星鄭也巳鶉尾楚也午鶉火周也未鶉首秦也申實沈晉也酉大梁趙也戌降婁魯也亥娥訾衛也子玄枵齊也丑星紀吳越也娥訾之次一名豕韋於是有災魯實

受之災發於衛而魯受其餘禍其大咎其衛君乎魯將上卿八月衛侯卒十一月季孫

宿卒公曰詩所謂彼日而食于何不臧者何也感日食而問詩

對曰不善政之謂也國無政不用善則自取謫于

日月之災謫謹也故政不可不慎也務三而已一曰擇

人擇賢人二曰因民因民所利而利之三曰從時順四時之所務

○晉人來治杞田前女叔侯不盡歸今公適楚晉人恨故復來治杞田季孫將以成與

之成孟氏邑本杞田謝息為孟孫守不可謝息僖子家臣曰人有言曰

雖有挈餅之知守不假器禮也挈餅汲者喻小知為人守器猶知不以借人○知音智

夫子從君而守臣喪邑夫子謂孟僖子從公如楚雖吾子亦有猜焉

言季孫亦將疑我不忠季孫曰君之在楚於晉罪也言晉罪君之至楚又不

春秋左傳卷三

昭公

昭公

昭公

昭公

昭公

聽晉魯罪重矣。晉師必至，吾無以待之。不如與之。

間晉而取諸杞。候晉間隙可復伐杞取之。吾與子桃。魯國下縣東南有桃虛。成反，誰

敢有之，是得二成也。魯無憂而孟孫益邑，子何病

焉。辭以無山，與之萊柞。萊柞二山。柞子洛反。乃遷于桃。謝息遷也。晉人

為杞取成。不書非公命。

○楚子享公于新臺。章華臺也。使長鬣者相。鬣鬣也。欲先夸魯侯。鬣力輒反。

好以大屈。宴好之賜。大屈弓名。既而悔之，遠啓彊聞之。見公公

語之，拜賀。公曰：「何賀？」對曰：「齊與晉越，欲此久矣。寡

君無適與也。而傳諸君，君其備禦三鄰。」言齊晉越將伐魯而取之。慎

守寶矣，敢不賀乎。公懼，乃反之。傳言楚靈不信，所以不終。

○鄭子產聘于晉。晉侯有疾，韓宣子逆客，私焉。私語。

曰：「寡君寢疾於今三月矣，竝走羣望，晉所望祀山川，皆走往祈禱。有

加而無瘳。今夢黃熊入於寢門，其何厲鬼也？」對曰：

「以君之明，子為大政，其何厲之有。昔堯殛鯀于羽

山，羽山在東海，祝其縣西南。今山東兗州府沂州東南一百里有山，高四里，周廣八里，其西為羽淵。其神化為黃熊，

以入于羽淵，實為夏郊。三代祀之。鯀禹父，夏家郊祭之。歷殷周二代，又通在羣神。

之數，并見祀。熊亦作能，三足鼈也。晉為盟主，其或者未之祀也乎。言周衰，晉為盟

主，得佐天子祀羣神。韓子祀夏郊，祀晉侯有間，間，差也。賜子產莒之

春秋左傳卷三十一

昭公

疏

德榮

二方鼎方鼎皆所貢子產為豐施歸州田於韓宣子豐施鄭公孫段

之子三年晉以州田賜段曰日君以夫公孫段為能任其事而賜之

州田今無祿早世不獲久享君德其子弗敢有不

敢以聞於君私致諸子此年正月公孫段卒○任音壬下同宣子辭子產

曰古人有言曰其父析薪其子弗克負荷荷擔也以微薄喻貴重

施將懼不能任其先人之祿其况能任大國之賜

縱吾子為政而可後之人若屬有疆場之言敝邑

獲戾恐後代宣子者將以鄭取晉邑罪鄭○屬音燭而豐氏受其大討吾子取州

是免敝邑於戾而建置豐氏也敢以為請傳言子產貞而不諒

宣子受之以告晉侯晉侯以與宣子宣子為初言

病有之初言謂與趙文子爭州田以易原縣於樂大心樂大心宋大夫原晉邑以賜樂大心

○鄭人相驚以伯有曰伯有至矣則皆走不知所

往襄三十年鄭殺伯有言其鬼至鑄刑書之歲二月在前或夢伯有介而

行介甲曰壬子余將殺帶也駟帶助子替殺伯有壬子六年三月三日明年壬寅

余又將殺段也公孫段豐氏黨壬寅此年正月二十八日○段即豐氏當言駟氏黨蓋轉寫之誤及壬子

駟帶卒國人益懼齊燕平之月此年正月壬寅公孫段卒

國人愈懼其明月子產立公孫洩及良止以撫之

乃止公孫洩子孔之子也襄十九年鄭殺子孔良止伯有子也立以為大夫使有宗廟子大叔問其故子

產曰鬼有所歸乃不為厲吾為之歸也大叔曰公

孫洩何為子孔不為厲問何為復立洩子產曰說也為身無義而圖

說伯有無義以妖鬼故立之恐惑民并立洩使若自以大義存誅絕之後者以解說民心○說如字從政有所反之

以取媚也民不可使知之故治政或當反道以求媚於民○言從政本有常道今反之以順民心也不媚不信

說而後信之不信民不從也及子產適晉趙景子問焉景子晉中

軍佐曰伯有猶能為鬼乎子產曰能人生始化曰魄

趙成魄形既生魄陽曰魂陽神氣也○孔疏附形之靈為魄附氣之神為魂初生之時耳目心識手足運動啼呼為聲此

則魄之靈也精神性識漸有所知此則附氣之神也魂魄雖俱是性靈但魄識少而魂識多劉炫云魂魄之生有先後者以形有質而氣無質尋形以知

氣故先魄而後魂其實並生無先後也用物精多則魂魄強物權勢○孔疏物非權勢之名而以物為權勢

者言有權勢則物備物謂奉養之物衣食所資之總名也是以有精爽至於神明爽明也○孔疏此言從微

而至著蓋精亦神也爽亦明也精是神之未著爽是明之未昭言權勢重用物多養此精爽至於神明也匹夫匹婦強死其

魂魄猶能馮依於人以為淫厲強死不病也人謂匹夫匹婦賤身○強其丈反况

良霄我先君穆公之胄子良之孫子耳之子敝邑

之卿從政三世矣○去疾輒良霄三世執鄭政鄭雖無腆腆厚也抑諺曰

蕞爾國蕞小貌○蕞在最反而三世執其政柄其用物也弘矣

其取精也多矣其族又大所馮厚矣良霄魂魄所馮者貴重而強

死能為鬼不亦宜乎傳言子產之博敏

○子皮之族飲酒無度相尚以奢相困以酒故馬師氏與子皮

氏有惡

馬師氏公孫鉏之子罕朔也襄三十年馬師頡出奔公孫鉏代之為馬師與子皮俱同一族

齊師還自

燕之月

在此年二月

罕朔殺罕黹

黹子皮弟。公孫鉏子展之弟展生子皮鉏生罕朔朔是子罕之孫禮謂

之從父昆弟

罕朔奔晉韓宣子問其位於子產

問朔可使在何位子

產曰君之羈臣苟得容以逃死何位之敢擇卿違

從大夫之位

謂以禮去者降位一等

罪人以其罪降

罪重則降多

古之制

也朔於敝邑亞大夫也其官馬師也

大夫位馬師職

獲戾而

逃唯執政所寘之得免其死為惠大矣又敢求位

宣子為子產之敏也使從嬖大夫

為子產故使降一等不以罪降。嬖大夫下大

夫也朔本亞大夫今從下大夫是但降一等

○秋八月衛襄公卒晉大夫言於范獻子曰衛事

晉為睦

睦和也

晉不禮焉庇其賊人而取其地

賊人孫林父其地戚也

故諸侯貳詩曰鷓鴣在原兄弟急難

詩小雅鷓鴣雉也飛則鳴行則搖喻兄弟相救於急難不可自舍

又曰死喪之威兄弟孔懷

威畏也言有死喪則兄弟宜相懷思

弟之不睦於是乎不弔

不相弔恤

况遠人誰敢歸之今又

不禮於衛之嗣

嗣新君也

衛必叛我是絕諸侯也獻子以

告韓宣子宣子說使獻子如衛弔且反戚田

傳言戚田所由

還衛齊惡告喪于周且請命王使成簡公如衛弔

簡公王卿士也

且追命襄公曰叔父陟恪在我先王之左右

以佐事上帝

陟登也恪敬也帝天也叔父謂襄公命如今之哀策

余敢忘高圉亞圉

二圉周之

先也為殷諸侯亦受殷王追命者

○九月公至自楚孟僖子病不能相禮

不能相儀答郊勞以此為己病

乃講學之

講習也

苟能禮者從之及其將死也

二十四年孟僖子卒傳終

言名其大夫

僖子屬大夫

曰禮人之幹也無禮無以立吾

聞將有達者曰孔邱

僖子卒時孔子年三十五

聖人之後也

聖人殷湯而滅

於宋

孔子六代祖孔父嘉為宋督所殺其子奔魯○家語本姓篇宋泯公熙生弗父何何生宋文周周生世子勝勝生正考父考父生孔父嘉其後以孔為氏孔父生木金文金父生鼻夷父夷父生防叔防叔辟華氏之禍奔魯生伯夏伯夏生梁紇梁紇生孔子

其祖弗父

弗父何孔父嘉之高祖宋閔公之子

何以有宋而授厲公

厲公之兄何適嗣當立以讓厲公及正

考父

弗父何之曾孫

佐戴武宣

三人皆宋君

三命茲益共

三命上卿也言位高益共故

其鼎銘云

考父廟之鼎

一命而僂再命而偃三命而俯

俯共於偃

偃共於僂○僂力主反偃紆羽反

循牆而走

言不敢安行

亦莫余敢侮

其共如是人亦不敢侮之

饘於是鬻於是

以餬余口

於是鼎中為饘鬻饘鬻餬屬言至儉○饘之然反鬻之六反○餬饘鬻糜

相類之物稠者曰糜淖者曰鬻餬饘是其別名

其共也如是臧孫紇有言

紇武仲也曰聖

人有明德者若不當世其後必有達人

聖人之後有明德而不當大位

謂正考父

今其將在孔邱乎我若獲沒

得以壽終

必屬說與何忌

於夫子使事之

說南宮敬叔何忌孟懿子皆僖子之子○屬音燭說音悅○南宮氏也敬謚叔字也又字容又字括名說

一名

而學禮焉以定其位

知禮則位安

故孟懿子與南宮敬

叔師事仲尼。仲尼曰：能補過者，君子也。詩曰：君子是則是效。詩小雅孟僖子可則效已矣。

○單獻公弃親用羈。獻公周卿士單靖公之子。頃公之孫羈寄客也。冬十月辛酉，襄頃之族殺獻公而立成公。襄公頃公之父。成公獻公弟。

○十一月，季武子卒。晉侯謂伯瑕。伯瑕士文伯。曰：吾所問

日食，從矣，可常乎？衛侯武子皆卒故。從猶俗言應驗也。對曰：不可。六物不

同，各異民心不壹。政教殊事序不類。有變易官職不則。治官居職非一法

同始異終，何可常也？詩曰：或燕燕居息，或憔悴事

國。詩小雅言不同其異終也。如是，公曰：何謂六物？對曰：歲時

日月星辰，是謂也。公曰：多語寡人辰，而莫同，何謂

辰？對曰：日月之會，是謂辰。一歲日月十二會，所會謂之辰。故以配日。謂以子丑

配甲乙。言辰無常所分在十二，以十幹配之，明非一所也。

○衛襄公夫人姜氏無子，姜氏宣姜嬖人媯始生孟縶。孔

成子夢康叔謂已立元。成子衛卿孔達之孫烝鉏也。元孟縶弟。夢時元未生。媯音周。始烏答反。縶張

立余使羈之孫圉與史苟相之。羈烝鉏子。史朝亦夢

康叔謂已。余將命而子苟與孔烝鉏之曾孫圉相

元。史朝見成子，告之夢。夢協也。協合也。晉韓宣子為政，聘

于諸侯之歲，在二媯始生子，名之曰元。孟縶之足不

昭公

昭公

昭公

昭公

昭公

昭公

良弱行也跛孔成子以周易筮之曰元尚享衛國主

其社稷辭遇屯三三三震下坎上屯又曰余尚立絜尚克嘉

之嘉善也遇屯三三三之比三三三坤下坎上比屯初九爻變以示史朝史朝

曰元亨又何疑焉周易曰屯元亨成子曰非長之謂乎言屯之元亨謂

年長非謂名元對曰康叔名之可謂長矣善之長也孟非人也將不

列於宗不可謂長足跛非全人不且其繇曰利建侯繇卦辭

繇音嗣吉何建建非嗣也嗣子有常位故無所卜又無所建今以位不定卜嗣得吉則當從吉而建之也

二卦皆云謂再得屯卦皆有建侯之文○初卜屯象辭曰利建侯次卜屯初九爻辭亦曰利建侯子其建之

康叔命之二卦告之筮襲於夢武王所用也弗從

何為外傳云犬誓曰朕夢協朕卜襲於休祥戎商必克此武王辭弱足者居跛則偏弱居其家不能行○顧氏炎武曰

屯初九爻辭磐桓利居貞魏明帝之徵管寧曰盤桓利居自昔以居字為句也侯主社稷臨祭祀奉民

人事鬼神從會朝又焉得居各以所利不亦可乎

孟跛利居元吉利建故孔成子立靈公十二月癸亥葬衛襄公

靈公元也

春秋左傳杜注卷第二十一

春林六八林前卷二十一

Blank columns

Blank columns

Blank columns

Blank columns

